

賜板

訂正東醫寶鑑

十六

雜病篇八

癰疽下

諸瘡

ヤ 9

905

18



門 9  
號 905  
卷 18

653

正東醫寶鑑雜病篇卷之八

御醫忠勤貞亮尾 聖功臣崇祿大夫陽平君 臣許浚 奉教撰

癰疽

腸癰腹癰

關元、穴名 屬小腸天樞、穴名 屬大腸丹田、穴名  
 為癰也 靈樞 屬三焦其穴分隱痛者為疽上肉微起者  
 小便數似淋時時汗出發熱而復惡寒身反甲錯  
 腹皮急如腫狀甚者腹脹大轉側有水聲或邊臍  
 生瘡膿從瘡出或有出臍中者惟大便下膿血者  
 自愈 仲景 ○淫熱鬱積腸內成癰脈遲緊者宜大  
 黃牡丹湯或五香連翹湯 方見血門 下之脈孔澀者  
 四物湯 方見血門 加桃仁紅花玄胡索木香脈洪  
 數者三仁湯小腹痛尿澀者膿滯也宜牡丹散入  
 門 ○腹皮急按之濡身無熱乃陰冷所成宜牡丹  
 散或內托十宣散加茯苓甚者敗醬散小腹痞堅

東醫寶鑑雜病篇八

按之痛身有熱乃結熱所成宜大黃牡丹湯或桃  
仁承氣湯方見寒門黃黑散入門○腸癰冷熱證  
雲母膏為丸牛膝湯吞下利去瘀膿即愈或蠟礬  
丸亦佳方見上○腹癰者生於肚腹皮裏膜外左  
關脉洪數而腹痛甚者  
是也治法同腸癰入門

### 脉法

腸癰難知脉滑可推數而下熱腸癰何疑遲緊未  
膿下以平之洪數膿成不下為宜脉訣○跌陽脉  
滑而數知當尿膿也仲景○腸癰之脉滑而數滯  
則為實數則為熱滑則為榮數則為衛衛數下降  
榮滑上升榮衛相  
干血為敗濁脉經

### 大黃牡丹湯

治腸癰脉遲緊膿未成可下之大黃芒  
硝各一錢半牡丹皮桃仁瓜蒌仁各二  
錢半右剉作一貼水煎服有膿即下膿無膿即下  
血千金一名大黃湯一方有冬苳仁無瓜蒌仁神效

### 三仁湯

治腸癰腸中疝痛縱橫癰疑似間便可服薏  
苡仁二錢冬苳仁二錢半桃仁牡丹皮各二  
錢右剉作一貼水煎服入門

### 牡丹散

治腸癰冷證腹軟而痛時下膿血牡丹皮人  
參天麻白茯苓黃芪薏苡仁桃仁白芷當歸  
川芎各一錢官桂甘州各五分木  
香三分右剉作一貼水煎服入門

### 敗醬散

治腸癰身無熱腹濡冷薏苡仁二錢半敗醬  
一錢半附子炮五分右剉作一貼水煎服小  
便當下膿血而愈入門

### 黃黑散

治腹內癰腫大黃一兩取末四錢半破故紙  
一兩取末二錢牛蒡子一兩取末一錢黑牽  
牛子一兩取末二錢右和勻分三貼每  
取一貼蜜水調空心服以利為度丹心

### 腸癰治驗

一婦腹痛百方不效孫兆診曰腹痛脉當  
沈細今反滑數此腸癰也雲母膏作丸溫

### 臂癱

酒吞下服一兩下膿血而安綱目。灸腸癱法屈兩肘正肘頭銳骨端是穴灸百壯下膿血而安千金。臂上入手陽明經分生癱此得之八風之變者傷於風者上先受之方服白芷升麻湯入門

### 白芷升麻湯

治臂癱黃芪酒黃芩各四錢生黃芩三錢白芷一錢半升麻桔梗連翹各一錢

酒紅花甘艸各五分右剉分二貼每取一貼酒水各半煎服東垣

### 醫癱

醫居小腹之後又在於下此陰中之陰也其道遠其位僻雖曰多血氣運不到血亦罕來中年後不可生癱纔有腫痛參之脈證但見虛弱便與滋補氣血可保終吉若用尋常驅熱舒氣之藥虛虛之禍如指諸掌丹心。醫癱初起未成膿者隔蒜灸再用蔥熨法欲作膿者內托羌活湯痛甚者仙方活命飲二方見上。腫硬者托裏消毒飲方見上。潰後宜加味十全湯方見上。凡醫生癱堅硬腫痛宜內托羌活湯方見上

### 懸癱

穀道前後生癱謂之懸癱此病生穀道外腎之間初發如松子大甚痒漸如蓮子數十日後始覺赤腫如桃子即破若破而大小便皆從中出者難治宜服國老膏精要

此疾皆尾常服國老膏雖患亦輕雖潰亦淺誤用寒涼則不可救。初起作痛尿澀者仙方活命飲方見上。去大黃服之膿已成者急鍼之久成漏者加味十全湯方見上。蠟鑿丸方見上。穀道中生瘡取水中荇葉細搗綿裹納下部日二三。即愈入門

### 國老膏

治懸癱橫紋大甘艸帶節一兩四寸切以出

潤長流水一椀文武火慢慢蘸水炙自早至午乾則投前水再炙直待水盡看甘艸中心潤透為度細剉好酒二升煎取一升空心隨量飲之三日一服一二服可保無虞此藥雖不即消過十日後必盡消有人患此癱已破服兩貼瘡即合甚妙精要

便癰

俗名便毒實血痂也一名勝馬癰此奇經衝任為病而癰見於厥陰經之分野其經多血故又名血痂或先有疔瘡而發或卒然起核疼痛而發皆熱鬱血聚而成初發宜疎利之即散變膿後如常用托裏內補之藥正傳○便毒處所上不在腹下不在腿介乎兩者之中也直指○便癰生於腿腠小腹之間或一邊腫痛或左右兩邊俱發先用五苓散方見寒門加大黃或雙解散復元通氣散方見氣門痛甚者仙方活命飲方見上仍戒房室行動入門○偏癰宜蘇方散牡蠣大黃湯千金內消散黃黑散五香連翹湯三方見上消毒飲玉燭散神奇散○便毒初起射干三寸生薑如指大麝香細順流水煎服以瀉為度因用阿膠醋煮塗患處丹心○生山藥砂糖同搗塗上即消又生薑一塊蘸米醋磨取干步峰泥付腫處即消干步峰即人家行步地上高塊是也得效

蘇方散

治便癰木鼈子當歸尾赤芍藥白芷川芎射干大黃金銀花穿山甲沒藥蘇木甘艸各八分右剉作一貼酒水各半煎服正傳

牡蠣大黃湯

治同上大黃牡蠣煨各二錢生甘艸一錢黃瓜萋一箇右剉作一貼水煎服正傳

消毒飲

治偏毒三四日可消皂角刺金銀花防風當歸大黃瓜萋仁甘艸各一錢三分右剉作一貼水酒各半煎服仍頻提掣頂中髮立效丹心

玉燭散

治偏毒腫痛大黃芒硝各三錢川芎當歸赤芍藥生地黃甘艸各一錢右剉作一貼水煎空心服正傳

神奇散

治便毒魚口瘡便毒潰破者牡蠣大黃各二錢黃連黃芩黃柏金銀花連翹各一錢半穿山甲三片土炒木鼈子三箇去殼黃蠟三兩右剉分作二貼酒水各半煎服回春

### 雙解散

治偏毒大黃黑丑炒頭末各一錢半官桂白芍藥澤瀉桃仁各一錢甘艸七分右剉作一貼薑五片水煎服空心先小便快是熱從小便出也後大便利皆是稠毒得效

### 囊癰

者淫熱下注也。有作膿者此濁氣順下將流入滲道。因陰道或虧水道不利而然。膿盡自安勿藥可也。或有因腹腫漸流入囊腫甚而囊自裂開。單丸懸掛水出以煑炭末付之外以紫蘇葉包裹仰臥養之。○癰疽入囊者曾治數人悉以淫熱入肝經處治而用補陰藥佐之。雖膿潰皮脫單丸懸掛者皆不效。○取紫蘇葉焙乾為末付之如燥香油潤之。皮脫者青荷葉包之其皮自生。丹心

### 附骨疽

附骨疽與白虎飛尸歷節皆相類。但歷節痛則走注不定。白虎飛尸痛淺按之則便止。附骨疽痛深按之亦無益。○白虎飛尸亦能作膿著骨而生及其腐潰碎骨出盡方愈。然則同是一病但淺深不同耳。○附骨疽筋骨之內痛如錐刺外則全無赤腫突起。初因露臥風冷或乘涼浴水寒

淫襲淡初起痛不能轉寒熱無汗經久寒鬱為熱變而為膿膿成即用火鍼使毒不得內潰入門。○初起五瀉蘆飲子五香連翹湯方見上。○疎下之方見內消升麻湯在尻醫內托羌活湯方見上。○在腿內羌活防已湯在腿外托裏黃芪湯黃連消毒飲方見上。○潰後久不愈宜蟾蜍膏赤朮丸平肌散入門。○初起大痛而肉色不變名附骨癰。○生散最妙兼用青皮甘艸節一味煎服。○附骨疽與緩疽石疽賊風相類宜辨而治之。入門

### 緩疽石疽賊風辨

緩疽石疽皆寒氣伏於骨髓之間其熱緩慢積日不潰久乃紫黑皮肉俱爛故名曰緩疽。○腫與皮肉相似似疼而堅硬如石故謂之石疽。生商陸根搗爛和鹽少許塗付日一換。即軟。○賊風由風邪搏於骨髓故其痛亦徹骨。遇寒則甚。外證惡寒有汗痛處常欲熱熨失治則變為攣曲偏枯。○緩疽石疽宜服補虛托裏溫熱之劑。賊風宜服越婢湯疎通之劑。入門

始發預防法

環跳穴痛不已，防生附骨疽。急用青艸蒼柏湯服此，不愈加麻黃一錢，用二三貼，又不效，恐疽將成，急掘地坑，以火燒紅，沃以小便，命患人赤體坐其上，以被圍抱，下體使熱氣熏蒸，氣血暢而愈。入門。

漏蘆飲子

治附骨疽初起，宜服他惡瘡初起，亦可服。太黃一錢，半漏蘆白，蘇黃芩麻黃枳實升麻赤芍藥朴硝甘艸各一錢。右剉作一貼，水煎服，入門。

內消升麻湯

治附骨疽疎下後服此。太黃升麻當歸黃芩赤芍藥枳實各一錢，半甘艸一錢。右剉作一貼，水煎服，入門。

羌活防已湯

治附骨疽發於太陽厥陰太陰分者，羌活川芎蒼朮各一錢，二分防已木香連翹射干白芍藥木通當歸尾蘇木甘艸各七分。右剉作一貼，酒水各半煎服，入正傳。

托裏黃芪湯

治附骨疽發於足少陽陽明分者，當歸尾一錢，七分柴胡一錢，半白芷一錢，二分連翹鼠粘子肉桂黃芪各一錢，黃柏升麻甘艸各五分。右剉作一貼，酒水各半煎服，入正傳。

蟾蜍膏

治附骨疽久不差，膿汁敗壞，或骨從瘡口出，大蝦蟆一枚，亂髮雞子，大豬脂四兩。右以豬脂煎一物，令稠，去滓，凝如膏，貼之。先以桑白皮烏豆煎湯淋洗瘡口，拭乾，然後卻貼之，入得效。

赤朮丸

治附骨疽久不差，赤朮一斤，泔浸，去油，用川椒蔥白同煮，黑色焙乾，茴香破故紙川練子炒，赤茯苓白芷桃仁各一兩，右為末，蜜丸，梧子大，溫水下，百丸，得效。

平肌散

治附骨疽成漏，久不合，老狗頭骨煨，露蜂房亂髮灰各二錢，半新桑白皮末一錢，二分半。右為末，入輕粉麝香各少許，許溼，則乾，糝乾，則油調，付之，入直指。

三生散

治附骨疽及瘡口久不合，神驗。露蜂房蛇退亂髮各等分，燒存性，為末，每取二三錢，溫酒調。

下三六十二心  
保命

### 青州蒼柏湯

治附骨疽始作宜預防青皮一錢半甘  
州節五分蒼朮黃柏各三錢右剉作一  
貼水煎和薑汁三匙空心飲之冬加  
桂枝夏加條芩體虛加牛膝入門

### 流注骨疽

流者行也注者住也或結塊或慢腫皆因素  
而發多生四肢或胃腹腰臀關節之處初起方  
熨法方見下實者十六味流氣飲方見上  
雁達痰丸方見通門用榮衛返魂湯合陳湯方見  
命其自消自潰若潰後久不斂宜以托裏為主夏  
佐以豆豉餅琥珀膏方見膿成以火鍼破之入  
流注起於傷寒傷寒表未盡遺毒於四肢經絡滯  
於所滯而後為流注也蓋流注者傷寒之餘毒骨  
疽者流注之敗證也同春○痰飲流注於胃背頭  
項腋脇腰腿手足聚結腫硬或痛或不痛按之無  
血潮雖或有微紅亦淡薄不熱堅如石破之無膿

或癰薄血或出清冰或如紫汁又有壞肉如敗絮  
或又如瘰癧在皮肉之間如雞卵可移動軟活不  
硬破之亦無膿血鍼口努肉突出惟覺咽喉痰塞  
作寒作熱榮衛返魂湯主之醫鑑○骨疽者由瘡  
潰後氣血不榮骨自脫出膿水腐潰碎骨出盡方  
愈蓋人身有正骨附骨傳合成形附骨出則愈後  
如常正骨腐出則為終身廢疾隨腫硬之處潰後  
久不愈則必出碎骨外用附子餅灸或蔥熨法祛  
散寒邪補接榮氣則骨  
自脫瘡自斂矣入門

### 榮衛返魂湯

主一切痰飲為患專治痰腫又治癰疽  
發背流注腫毒赤芍藥水通白芷何首  
烏枳殼茴香烏藥當歸甘州各一錢右剉作一貼  
酒水各半煎服醫林○一名追風通氣散一名通  
順散又名何首烏散此方宜與十宣散相間用  
並加忍冬藤入門○凡氣血逆於肉理令壅結為  
癰疽此藥大能順氣勻血自然榮衛通順不生變  
證尤合內疽入門○虛加炮附子實加大黃痰盛

東醫寶鑑雜病篇八



加南星半夏腫毒堅硬不穿加川芎麻黃蔥白全  
蝎穿山甲流注加獨活流注者氣血凝滯加獨活  
則可以動一身血脉脈既動豈復有流注乎入  
門○此藥治流注癰疽發背至於救壞病活死肌  
彈患於未萌之前拔根於既愈之後大能順氣勻  
血蓋氣陽也血陰也只調陽不和陰則氣耗而疑  
肌必不活如五香連翹之類是也只和陰不調陽  
則血旺而氣弱病必再作如內補十宜之類是也  
此藥兼之真神  
仙妙劑也 醫林

### 疔疽

發於足上下名曰四淫其狀大癰不急治之百日  
成○發於足傍名曰厲疽其狀不大初從小指發  
急治之去其黑者不消輒益不治百日成○發於  
足指名曰脫疽其狀赤黑者然不治不赤黑者不  
灰治之不衰急斬之否則成靈樞○膏梁之變足  
生大丁內經○疔瘡初發突起如釘蓋故謂之疔  
近世多見因食自炊牛馬禽獸之肉而發或感襲  
天地暴疹之氣而發或恣食辛辣厚味積毒而發

其形有十三種治法皆同初起僅一小瘡殺入於  
一二日之內比之癰疽尤毒又有紅絲疔魚臍疔  
其毒尤甚入門○疔瘡發無定處在手足  
頭面骨節間最急其餘處為緩正傳

### 疔疽形證

疔疽生黃疱中或紫黑色初發必先癢後  
痛先寒後熱四肢沈重頭痛心驚眼花看  
大重則嘔逆為難治三因○瘡頭黑硬如釘四畔  
帶赤如火盤根突起隨變焦黑未幾腫大而光轉  
為淫爛深孔透肌如大鍼穿之狀入門○外證心  
驚頭痛拘急惡寒四肢痛強或寒熱交作頰舌間  
赤黑點點如珠直指○或不痛痒只麻木寒熱眼  
中流火牙關緊急時時驚惕甚則嘔吐諸證中嘔  
以鐵刺瘡不痛無血是其候也又中  
陷如釘蓋撼之有根是疔也 精義

### 疔疽治法

凡疔瘡毒氣攻心欲外以鐵刺瘡心若覺  
痛有血下錠子若累刺至心則皆不痛無  
血者急刺百會穴痛有血者下錠子若無血以親  
人熱血代之猶活三四次用迴瘡錠子碧霞錠子

迴瘡蟾酥錠子精華。又法急以艾炷灸之，鍼疔四邊皆命血出，以迴瘡錠子紙之，上用膏藥貼之，因服五香連翹湯，千金漏蘆湯方見上，疎下之，若鍼之不痛無血者，以猛火燒鐵，通赤於瘡上，烙之，令如焦炭，取痛為效，亦紙前錠子，經一二日，膿潰根出，服托裏湯散，以取平復精華。○治法急用飛龍奪命丹，或雄黃丸下之，去其毒熱，次服化毒丸及二活散正傳。○實者初服賽命丹方見上，三丸以蔥酒發表虛者，服保生錠子以解毒入門。○通治紫金錠返魂丹，一捻金神效奪命丹，蟾酥丸獨蟾丸五聖湯還魂散，千金消毒散選用。

### 紅絲疔

疔瘡或有紅線，直上倉卒之際，急用鍼於紅線所至處，刺出血，然後以蟾酥乳香等膏於疔正瘡內塗之，鍼時以病者知痛出血為好，否則紅線入腹，必致危殆綱目。○疔生兩足多有紅絲，至臍疔生，兩手多有紅絲，至心疔生，面部多有紅絲，入喉者，俱難治，急鍼其絲，出血以泄其

毒方不可保  
生入門

### 魚臍疔

又有有一種瘡，頭黑，深形如魚臍，破之滲出黃水，四畔浮漿，謂之魚臍疔，其毒尤甚，絲瓜葉連鬚蔥白韭葉各等分，研膏如泥，取汁以酒和服，其滓貼腋下，如病在左手，貼左腋下，在右手，貼右腋下，在左腳，貼左胛，在右腳，貼右胛，在身中，貼心臍，并以帛縛住，候肉下，紅絲皆白，則安矣，或蛇退鱗，雞子清調付內服，神效，解毒丸丹心。

### 脫疽疔

內經曰：膏梁之變，足生大疔，蓋因膏梁酒色，蘊積惡毒，或久患消渴之餘，多有此瘡，靈樞經所謂發於足，傷名曰厲疽，發於足，指名曰脫疽，其狀赤黑者，久不治，治不效，急斬之，否則久正謂此也，謂之脫疽，以其指節潰爛，脫去也入門。○輕者色赤自潰，先用隔蒜灸，內服仙方活命飲方見上，還魂散，重者色黯不痛，先用隔蒜灸，更服賽命丹方見上，及補藥，庶可保生。○甚者赤變為黑，急

東醫圖書集成

九

須在指則斬在肉則割否則黑延上足必外治  
用桐油及無名異煎一沸入川椒一勺看瘡大小  
剪蓼葉在內同煎浸七日後  
單以此葉貼瘡上即安入門

一方

治疔疽危篤一服即愈輕者一服效土蜂房一  
窠蛇蛻全者一條右盛器中黃泥固濟火煨存  
性為細末每一錢空心好酒調服少頃腹中大痛  
痛止而其瘡已化為黃水矣因服五聖湯瑞竹

疔疽外證

疔毒入心則口乾煩悶恍惚似醉嘔吐不定危  
證也萬病解毒丹 卽紫金錠也 以黃連當歸煎湯  
化下或賽命丹淵然真人奪命丹皆可服入門  
疔毒入心腹則煩悶嘔逆恍惚癡眠其斃可立待  
也 直指 ○疔瘡走黃過心者難治若太重則嘔逆  
嘔逆者難治姑用乳粉托裏散方見下止之三四  
○疔疽出冷汗者外三四 ○人有暴死者多是  
毒急以燈照遍身若有小瘡急灸之并服寒

亦有復甦者入門

拔疔法

疔瘡有毒根在內須拔去乃可救黑牯牛牽  
於石上必撒糞候糞上生菌取焙乾與菴  
艸葉等分為末用竹筒兩頭去節套在疔上陷入  
肉內以線緊縛取藥末一匙滴水和之放於筒內  
少時藥液起則疔自拔起味效則漸加度數其疔  
必拔去後以金銀白芷散調之正傳 ○宜用迴  
瘡錠子或保生錠子四聖旋疔散拔去疔根調治  
精義 ○蒼耳莖葉燒灰醋調塗疔上乾則易不過  
十度卽根出和雄黃尤妙本艸 ○蟬蛻白僵蠶為  
末醋調雷瘡口塗四圍瘰疔根出拔去細目 ○蟬  
娘安濃米泔小盞中以火逼之蟲熱喫泔反困死  
取腦中白肉新瓦上焙為末熟酒調二錢服仍以  
少許塗疔上根自出資生 ○一二云蟬娘於心腹下  
度取之肉稱白貼疔上根出卽愈本艸 ○斑猫  
一枚捻破以鍼刺疔上封之根卽出 ○取黑鼠十  
枚置疔上以荻箔繩作炷灸鼠上卽根出 ○白狗

尿燒存性和酒服之又塗疥上根自出○苦苣取莖中白汁塗疥上出根○馬齒莧和梳垢爛搗封疥上根出  
本州

### 食疫死牛馬禽獸肉生疔

近見患疔者皆是食自死十患十死宜急取紫金錠半錠淡酒化下重者服一錠外用凉水磨塗疔上日夜各數次或吐或利神效○白頸蚯蚓八九條搗爛和酒濾去滓飲之其滓塗疔四圍留頭出毒氣○大蜘蛛一箇放疔上自啞其毒連易三五箇其毒自敗以蜘蛛入水不傷蛛命又兼用蜈蚣法方見下○種杏

### 紫金錠

一名萬病解毒丹治癰疽發背諸腫諸瘡疔瘡惡瘡一切腫毒方見解毒每取半錠淡酒化下重者一錠外以凉水調塗患處一日數次即效惟已潰出膿血者忌服入門

### 返魂丹

治十二種疔瘡危惡者雄黃白礬枯各一錢朱砂膽礬各一錢半蟾酥血竭銅綠各一錢

輕粉沒藥乳香各五分麝香一字蝸牛生不拘多少右爲末以蝸牛蟾酥研爛和丸艾實大每丸命病人先嚼葱白三寸許放在掌心將藥丸裏在蔥內以熱酒一盞吞下煖處臥汗出爲效○內經曰汗之則瘡已蓋此藥能化毒爲汗也瑞竹

### 一捻金

治疔疽即賽命丹方見上爲末每服一二三分溫酒調下如服賽命丹後毒未盡起再用此藥催之服此藥後身涼者即成入門

### 神效奪命丹

治疔瘡惡瘡及破傷風昏沈危急者朱礬蟾酥各一錢銅綠一字蝸牛二十箇右末用初男乳汁和丸梧子大朱砂爲衣患人自嚼生葱白數根吐出血藥一丸以溫酒吞下如吐逆以熱酒壓下遍身汗出毒氣自消丹心

### 蟾酥丸

治疔瘡惡瘡無名腫毒朱砂雄黃各三錢麝香一字右末端午日取蟾酥和丸黍米大蔥

酒下二三  
丸醫鑑

**五聖湯** 治疔疽，皂角刺一兩，大黃金、銀花、甘艸各五錢，黃瓜、萋一箇，右剉酒二升同煎，至八分溫服。入門。

**還魂散** 治疔瘡及癰疽，能令內消，去毒化為黑水。從小便出，萬無一失。知母、貝母、白芨、半夏、天花粉、皂角刺、乳香、金銀花、穿山甲各一錢，右剉作一貼，好酒一碗同煎，至半椀去滓，乘溫盪服，將渣搗爛，加芙蓉葉一兩，蜜水和，付瘡上，如乾，以蜜水潤之，過一宿自消。醫鑑。

**千金消毒散** 治疔瘡發背，一切無名惡瘡，腫毒初發。二錢：大黃、芩、硝、連、翹、黃、芩、赤芍、藥各一錢，皂角刺、牡蠣、天花粉各五分，右剉作一貼，酒水各半煎服。回春。

**迴瘡錠子** 治疔疽神效。州烏一兩，巴豆肉七箇，蟾酥、麩米、大七粒，麝香一字，右為末，麪糊和作之。重者於瘡四圍，紙之，一二三日，疔根自拔出。精義。

○一名迴生  
錠子丹心  
治疔瘡及惡瘡，不覺痛。銅綠一兩，礞砂二錢，蟾酥一錢，右末飯和，作錠子，先鍼刺疔心，出血，以錠子紙之，用膏貼之。精義。

**碧霞錠子** 治疔瘡及惡瘡，不覺痛。銅綠一兩，礞砂二錢，蟾酥一錢，右末飯和，作錠子，先鍼刺疔心，出血，以錠子紙之，用膏貼之。精義。

**迴瘡蟾酥錠子** 治疔瘡。天南星、欵冬、花、巴豆肉、黃丹、礞砂各一錢，獨活五分，斑貓七箇，右細末，用新蟾酥和勻，如黍米，大作錠子，先以鍼刺疔頭，有血出，下錠子，以膏藥貼之，膿出自差。精義。

**飛龍奪命丹** 治疔瘡及惡瘡。朱砂三錢，礞砂一錢，半麝香一錢，二分，南星、半夏各一錢，斑貓十二箇，去足翅，巴豆十二箇，去皮油，右為末，蟾酥汁和丸。

紅豆大五分內取一分加入斑猫四箇然後捻成錠子如小麥大先用鍼刺疔心下錠子用飯粘紙封口用前四分內一丸噙在舌上涼水送下丹心

### 雄黃丸

治同上雄黃鬱金皂角全蝎各一錢巴豆肉十四箇麝香少許右末滴水為丸棗豆大茶清下二十丸

丸正傳

### 化毒丸

治同上朱砂礪砂雄黃各一錢龍腦麝香各五分輕粉一字蟬蛻二十枚右為末蟾酥和丸棗豆大每用一丸放於舌上取涎而愈正傳

於舌上取涎而愈正傳

### 二活散

治疔瘡羌活獨活當歸烏藥赤芍藥金銀花天花粉連翹白芷甘艸節各二錢紅花蘇木荆芥蟬蛻乾葛各一錢半檀香一錢

右為末每三錢蒼耳煎湯調下正傳

### 獨蟾丸

治疔瘡及一切惡瘡蟾酥取得丸如棗豆大一蟾或作一丸多者作二丸每取一丸置舌

上臥片時其苦水滿口即嚥下或鍼刺疔頭納一丸於中紙貼護之神效正傳

### 保生錠子

治疔瘡蟾酥二錢雄黃二錢為末用青桑皮生者二兩同搗如泥六分重捻作錠子

朱砂為衣陰乾以冷蔥湯磨服八分仍用冷蔥湯吞下外用鍼刺疔頭將錠子插入被蓋出汗一日爛出即愈體虛清貴人及婦女胎前後毒淺者最宜入門

### 神仙解毒丸

治疔瘡魚臍瘡諸般惡瘡初發自礬不

每二十丸蔥白煎湯送下服立消醫鑑

### 金銀白芷散

治疔瘡疽金銀花二錢皂角刺一錢半黃芪當歸白芷甘艸各一錢橫柳川芎防

風天花粉各五分右為末分三貼每取一貼酒水各半煎連渣服正傳

### 四聖旋疔散

治疔瘡生於四肢勢微者先用醋調此末塗疔上三次服托裏之藥其疔自出巴

豆肉五分輕粉礪砂白殭蠶各二錢半右爲細末醋調用之精義

### 癰疽雜證

有癰疽煩渴有癰疽嘔逆有癰疽痰盛有癰疽寒熱有癰疽作痛有癰疽泄瀉

### 癰疽煩渴

熱毒方盛或發大渴此乃毒氣攻心令舌乾煩渴但用補心氣藥內補即止消子

癰疽發渴乃氣血兩虛八物湯方見虛門加黃芪麥門冬山茱萸五味子同春加減八味丸方見虛門治癰疽渴疾皆尾通用最佳老人尤宜得效

○清腫竹葉湯竹葉黃芪湯人參黃芪湯黃芪六一湯金銀花散五味子湯忍冬丸忍冬湯二方見下選用上諸方

### 癰疽嘔逆

未潰時嘔者當作毒氣上攻治之潰後當作陰虛補之若年老人潰後嘔不能食方

參苓白朮膏方見內傷補之河間謂瘡瘍嘔者溼氣侵于胃也宜倍白朮丹心○癰疽及疔瘡惡瘡毒氣攻心則多嘔逆宜乳粉托裏散生薑甘桔湯

○食不能下服藥而嘔六君子湯方見痰門加木

香續砂同春○或用獨參湯即愈丹心

### 癰疽痰盛

癰疽生痰有二三一者胃寒二者鬱熱俱宜

夏入門○痰盛喘急六君子湯加葶藶煎服或補中益氣湯方見內傷加麥門冬五味子桑白皮煎服同春

### 癰疽寒熱

癰疽未愈之間先嘔痰而寒熱汗出而止或連日或間日宜服加味不換金正氣散

得效○癰疽虛證寒戰明乳香研細半兩每一錢熟水調下戰發於肝乳香蒼肝而溫之寒戰隨止直指

### 癰疽作痛

癰疽不可不痛亦不可大痛未潰前痛者爲熱毒便秘者內疎黃連湯方見上膿脹

痛者鍼之已潰膿出而反痛者虛也入門○癰疽寒熱虛實皆能爲痛若熱毒之痛以寒涼之劑折

其熱若寒邪之痛以溫熱之劑熨其寒虛而痛者補之實而痛者瀉之精義。膿潰之後反痛者虛也宜補之穢氣所觸者宜和解之風冷所逼者宜溫散之補者當歸黃芪之類和解者乳香芍藥之類溫散者防風桂枝之類綱目。膿血既泄腫痛尤甚人參黃芪湯或十全大補湯方見虛門加麥門冬五味子。春。○止痛當歸湯二仙散香靈散選用

### 癰疽泄瀉

○腹痛泄瀉咳逆昏憤急用托裏溫中湯煎湯調下加味不換金正氣散佐之。直指或方見聚門加炮附子。回春

### 清臙竹葉湯

治癰疽煩渴竹葉升麻黃芪蜜炙瓜蔓根麥門冬各一錢生地黃黃芩赤芍藥人參知母白茯苓甘草炙各七分半右剉作一貼入棗二枚水煎服。精義

### 竹葉黃芪湯

治癰疽惡瘡發渴竹葉生地黃各一錢半黃芪麥門冬當歸川芎黃芩赤芍藥

### 人參黃芪湯

治癰疽潰後少食不眠煩熱黃芪蜜炙人參白朮各一錢升麻六分陳皮蒼朮麥門冬當歸神麴甘草各五分黃柏四分右剉作一貼水煎服。入門

### 黃芪六一湯

治癰疽煩渴黃芪蜜炙六兩甘草炙一兩右剉每三錢入棗三棗一煎服。此藥大治渴疾常服可免癰疽之患得效。○一方黃芪六兩半生用半鹽水潤蒸三次粉州一兩半生半炙右末每二錢白湯點服。精要

### 金銀花散

治同上金銀花四兩甘草炒一兩右麩末分三貼水酒相半煎服衛生

### 五味子湯

癰疽口燥舌乾此腎水竭也此藥治之五味子黃芪生人參麥門冬甘草各一錢右作一貼水煎日服。三五次精要



### 乳粉托裏散

治癰疽惡瘡毒氣攻心迷悶嘔吐喉舌  
返出毒氣不致內陷菴豆粉四錢乳香一錢右為  
末每二錢甘州湯調時時呷下一方新水調服入  
門一名內托散一名護心散一名內托香粉散  
綱目一方癰疽疔瘡惡瘡須服此預防毒氣攻  
心菴豆粉四兩乳香一兩朱砂三錢右為末  
每二錢甘州湯調下名曰乳香護心散丹心

### 生薑甘桔湯

治癰疽毒氣上衝咽喉窒塞嘔吐不  
水煎服  
直指

### 加味不換金正氣散

治癰疽寒熱往來或挾風邪或  
內氣虛餒蒼朮橘紅半夏麴蘗  
香葉厚朴各一錢二分半甘州炙一錢白茯苓川  
芎各七分半木香五分右剉作一貼入薑五棗水煎服  
直指

### 止痛當歸湯

治癰疽穿潰疼痛入參黃芪當歸白芍  
藥生地黃官桂甘州各一錢右麤末水  
煎服義

### 二仙散

治癰疽疼痛不可忍白芷  
未沙潰用二兩貝母  
巴沙潰用二兩右剉每七錢半作一貼酒水相  
半煎服  
醫鑑

### 香靈散

治癰疽腹痛辣桂二錢半木香白芍藥五靈  
脂各一錢二分半右麤末每三錢入薑棗煎  
服直指

### 托裏溫中湯

治癰疽腸氣下陷腹痛泄瀉咳逆昏憤  
附子炮二錢乾薑羌活各一錢二分半  
甘州炙一錢益智丁香香沈香木香茴香陳皮  
各五分右剉作一貼入薑五片水煎服入門

### 癰疽通治藥

千金漏蘆湯五香連翹湯仙方活命飲升  
陽益胃散千金內消散仙傳化毒湯榮衛

返魂湯紫金錠賽命丹淵然真人奪命丹飛龍奪命丹忍冬丸忍冬酒  
奪命丹忍冬丸忍冬酒忍冬湯皆可選用諸方

千金漏蘆湯

治五發癰疽及疔瘡內疽一切熱毒惡腫皆治之方見上

五香連翹湯

癰疽瘡癤癰瘰癧結核乳癰內疽一切惡瘡毒腫皆治之方見上

仙方活命飲

一切癰疽惡瘡毒腫皆治之內外諸證並治排膿止痛消毒之聖藥也方見上

升陽益胃散

五發癰疽及內外一切惡瘡瘡毒腫皆治之方見上

千金內消散

五發癰疽及背癰內疽一切惡瘡毒腫乳癰腸癰便毒皆治之方見上

仙傳化毒湯

癰疽發背內疽乳癰一切無名腫毒皆治之方見上

榮衛返魂湯

凡氣血逆於肉理令癰結為癰疽毒腫此藥大能順氣勻血調和榮衛通治一切諸癰方見上

紫金錠

治內外癰疽惡瘡疔瘡無名毒腫乳癰便毒方見上

賽命丹

治內外癰疽發背疔瘡乳癰魚口便毒一切無名毒腫惡瘡方見上

淵然真人奪命丹

五發癰疽發背疔瘡惡瘡無名腫毒皆治之方見上

飛龍奪命丹

治五發癰疽發背疔瘡惡瘡乳癰附骨疽一切無名腫毒方見上

忍冬丸

通治一切癰疽諸瘡消渴後發癰尤宜服此忍冬艸不以多少根莖花葉皆可用右入瓶

內好酒浸以糠火煨一宿取出晒乾入甘艸少許搗為細末以所浸酒打麪糊和丸梧子大每服百丸酒飲任性下精要

忍冬酒

治一切癰疽惡瘡背癰乳癰不問發在何處初發便當服此百發百中忍冬藤生取一把

以葉入砂盆研爛入酒少許調和塗付四圍中心留一孔又取五兩麩碎甘艸生一兩剉入砂瓶內

水一椀文武火煎至一椀入好酒一大椀煎  
數三沸分三服田父野老最宜服此丹心

### 忍冬湯

治一切癰疽內發外發乳癰腸癰常服此藥  
消毒或加葦苈當歸各二兩尤妙方與上忍

冬酒方  
同入門

### 癰疽鍼法

鍼鍼者末如劍鋒以取大膿靈樞○夫癰氣  
之息者宜以鍼開除去之註云息與瘰同歟  
肉也內經○癰疽成膿以馬嚼鐵作鍼形如韭菜  
兩面皆利可以橫直開裂以取膿血精要○癰疽  
如椒眼數十粒或如蜂窠蓮房而膿出痛不除宜  
以鍼鍼橫直裂之則毒血挾膿出而愈綱目○癰  
疽住膿若不鍼烙毒氣無從而解膿瘀無從而泄  
過時不鍼烙反攻其內欲望其生豈可得乎癰皮  
薄惟用鍼以決其膿血不可烙也精義○凡近筋  
脉骨節處不得亂行鍼烙○癰疽皮厚口小膿水  
出不快者宜用鍼烙精義○大抵用鍼只欲引  
膿出如鍼刺無膿是氣伏也不可引用鍼烙精

### 螟鍼法

癰疽初發漸大以溼紙一片搭瘡上其一  
筆管一箇安於正頂上卻用大水蛭一條安其中  
頻以冷水灌之蛭當吮其正穴膿血皮皺內白是  
毒散無不差如毒大蛭小須用三四條方見效若  
吮著正穴蛭必死用水救活累試奇效如血不止  
以藕節上泥塗之得效○螟鍼一法可施於輕小  
證候若癰疽大毒積在臍府徒竭其血於外無益  
也丹心

### 癰疽烙法

或問烙法何如曰膿或汪洋欲出奈何皮厚  
肉淡難斂者不用烙以開竅脉膿何由出○  
膿本肉腐所成皆挾毒熱之氣若久留肉腠間則  
毒氣浸淫好肉亦化為膿腐此所以烙法有功乎  
潰瘍也消子○癰疽成膿宜烙可用銀篋大二分  
長六寸火上燒令赤急手熨烙毒上得膿為效精  
要○近代良醫只以金銀鐵錐其樣如鍼者以木  
炭熟火猛燒通赤蘸油烙之尤妙隨鍼烙出膿者

順也如膿不出實者然髮為絛虛者以紙為絛於  
絛上蘸藥絛入鍼孔引出膿毒如腫不退疼不除  
急服排膿托裏湯藥以助其勢○膿色黃  
白即好若赤黑色防後有鮮血出精要

### 癰疽灸法

凡癰疽之發或因內有積熱或因外寒鬱內  
熱若於生發之處灸之散其毒治之於早  
可以移淺為深改重為輕諸項灸法皆好惟騎竹  
馬灸法方見鍼灸尤為切要此消患於未形之策  
丹心○癰疽已覺微漫腫硬皮不變色脉沉不痛  
者當外灸之引邪氣出而方止經曰陷下者灸之  
如外微覺木硬而不痛者當急灸之是邪氣深陷  
也淺者不可灸如有膿水亦不可灸當鍼之保命  
○癰疽初覺腫痛先以溼紙覆其上視之先乾處  
是頭也大蒜切片安頭上以大艾炷灸之二壯即  
換一蒜痛者灸之不痛者灸至痛乃止大鑿  
以百壯為準最要早覺早灸為上如有頭則不必  
紙覆也三四○若十數頭作一處生者即用大蒜  
研成膏作薄餅鋪頭上聚艾于餅上灸之三四

初發小點一二日急以蒜片貼其中心以小艾炷  
灸五壯而止直指○始發一二日十灸十活三四  
日六七活五六日三四活綱目○灸法所以暢達  
拔引鬱毒此從治之意也譬如盜入人家必開門  
逐之使出萬一門不開無從而出必傷主乃已綱

○頭為諸陽之會若有發宜灸艾炷宜小壯數  
宜少三五壯而已腹背則多灸為妙精要○多灸  
則內服乳粉托裏散防火氣入心丹心○有善治  
癰疽者皆於瘡上灸至一二三百壯無有不愈但艾  
炷小作之小則人不畏灸灸多則作效必矣資生

○隔蒜灸法豆豉餅灸法桑枝灸法附子灸法硫  
黃灸法上餅灸法並治癰疽惡瘡腫毒詳見鍼灸

### 艾灸治驗

一人發背醫療逾月勢益甚有張生者教  
以艾火灸其上至一百五十壯知痛乃止  
明日鑿去黑痂膿盡潰肉理皆紅不復痛乃以膏  
藥貼之日一易易時剪去黑爛月餘乃平復本事

### 灸石癰法

堅硬不潰名曰石癰當上  
灸百壯石子當碎出資生

灸發頤法

此瘡最險頭面腫大牙齒亦脫解開頭髮

九壯而止

灸疔疽法

大蒜爛搗成膏塗瘡四圍留瘡頂以艾炷灸之

正傳

灸復毒法

用細州隨患人左右手量中指自手掌盡處橫紋量起

甲切斷卻將此州於手腕橫紋量起引州向臂當中州盡處即是穴艾炷如麥大灸二三壯腫散痛止即安

調理及禁忌法

癰疽患時將理法避風邪少睡臥

○戒鬪房○絕思慮○防觸穢○聽好事○瘡癩洗○藥常助○鹽淋聞香○一便順序○擇飲食

內充無飢飽失度... 戒鬪房... 絕思慮... 防觸穢... 聽好事... 瘡癩洗... 藥常助... 鹽淋聞香... 一便順序... 擇飲食... 諸痛痒瘡瘍皆屬於心... 如茯苓茯神遠志益... 憂恐嗔怒勞精疲神有觸於心尤關利害

背疽之人難於隱凡用菘豆十餘斗作一大袋隱伏則自然心涼身安精要○瘡瘍面赤雖伏火熱禁不得攻裏空發表以去之○瘡瘍鬱冒俗呼昏迷慎不可下汗之引愈東垣

單方 凡二十七種 有陶潛膏

朱砂雄黃

古之瘍醫以五毒攻瘍中物也凡解瘡毒不可無雄黃朱砂本州○朱砂雄黃礬礬白礬礬石置瓦盒中火煨二三日夜其烟上著蓋中以雞羽掃取之以注惡瘡則惡肉附骨膿血即潰出而愈此五毒也入門

伏龍肝

諸癰疽發背一切腫毒以雞子黃和塗之或醋調或大蒜同研貼之並佳本州

煉石

諸惡腫及發背取石子火燒赤醋淬十餘度取屑為末醋調塗之即愈此造磨礱尋常石也本州治癰毒及疔腫垂火菊葉搗取汁飲一升神驗醫鑑○又取莖葉塗付疔上亦效名曰陶潛膏

甘菊

野菊花

治疔瘡野菊花菘豆為末酒調飲醉睡覺痛定熱除入門

生地黄

治一切癰腫地黃搗為泥攤布上糝末香末於中再攤地黃泥貼腫上三二度差本州療疔瘡乳癰及諸毒腫搗取汁飲之本州

白鳳仙花

治癰疽發背取花連根葉搗爛先以米醋洗患處後付藥一日一換如神回春

薜荔

治背癰取葉爛研取汁和蜜飲數升以滓付瘡上一方細研和酒絞取汁煎數沸服之本州

黃芪

治癰疽久敗瘡掛膿止痛濃煎服之東垣內托陰證瘡瘍必用之藥也

忍冬藤

治一切癰疽腫毒花莖與葉生搗煖酒調服直指

蒼耳

主疔瘡取莖葉燒存性醋調塗疔上當出根如雄黃尤妙○又方蒼耳一握生薑四兩搗取汁入酒和服治疔毒入門心嘔逆者效入門

白芷

治發背乳癰能止痛生肌蝕膿  
○敗膿不去加白芷即去丹心

茅鍼

一鍼一孔二鍼二孔必穿穴本州  
瘰癧惡瘡不作頭酒煎茅鍼取汁服

大黃

治癰疽熱毒大黃酒洗剉二錢甘州  
一錢煎服脈實膏梁之人宜服綱目

茨菰

取根莖搗付腫毒癰上  
即消水煎服亦效俗方

槐花

治百種瘡毒槐花四兩炒香入酒二  
碗煎一二三沸去滓盡服即消入門

黃桑葉

癰疽瘡口成太窟不斂經霜黃桑葉  
為末末頻搽瘡中或煎湯洗之本州

乳香

止痛長肉命諸瘡內消○凡血滯則氣壅經絡  
滿急而作痛腫乳香能破宿血消腫止痛為瘡

家奇藥  
也入門

皂角刺

治癰疽能鑽引至痛處亦能宣毒  
燒存性為末薄酒調下一錢綱目

榭木皮

煎湯洗諸敗爛瘡及  
乳癰諸瘡最佳本州

生龜

刺取血塗癰疽腫  
毒即消神驗俗方

蜘蛛

治懸癰取大者一箇研爛調  
服隨病左右側臥良醫林

脂麻油

治癰疽發背毒瘡初作便服使毒氣不內攻  
麻油煎十餘沸候冷一斤好酒二碗和勻分

五次溫服一日夜服盡此神仙截  
法直指○亦解陰證沈毒直指

雄雀屎

一名白丁香治癰腫已有膿赤潰出以醋  
調雀屎如小豆大付之即穿本州

甜瓜子

主腹內結聚破潰膿血最為腸胃腹  
內癰要藥為末酒下一三錢本州

蜀葵花

諸癰瘡腫痛不可忍葵花根爛搗貼之立效  
○黃蜀葵花葉入鹽研爛付之亦效綱目

葫

小蒜也治癰毒瘡腫叫呼不得臥取獨頭蒜  
細搗麻油調和厚付瘡上乾則易神效本州

人口中唾

凡癰瘡微有紅頭隱夜者急用不語津唾頻頻塗之即消飲酒了不可用

猪懸蹄

治癰疽潰爛取猪蹄濃煎取清浸洗妙直指

商陸

熨除癰腫付惡瘡○一切熱毒腫毒陸根和少鹽搗付日一易效

芋根

癰疽發背未成膿者芋根葉熟搗付上日數易腫消即差

醋

消癰腫歌曰發背疔瘡識者稀醋磨京墨選四圍生薑猪膽同塗上天明恰似鬼神移

赤小豆

消熱毒癰腫作末雞子清調塗之即差亦治一切腫毒作痛

芙蓉

治發背瘡癰諸般腫毒及杖瘡芙蓉花及葉並晒乾為末醋調付杖瘡雞白清調白蓮尤佳

荊芥

搗爛和醋付疔腫甚效又水煎取濃汁服亦可

人屎

癰疽發背欲取野人乾屎燒存性醋和如泥付腫上乾則易甚良又治疔腫封其上一日根

諸瘡

大風瘡

脈風成癩癩者榮衛熱腐其氣不清故使鼻柱壞而色敗皮膚瘍潰

種五癩一種風水二種傳變三種者自不調攝○五癩者一曰皮癩麻木不仁二曰肉癩割切不痛三曰血癩潰爛成膿四曰筋癩手足脫落五曰骨癩鼻梁崩塌眼斷唇翻聲啞○又曰一風者肺受病先落眉毛二風者肝受病面起紫疱三風者腎受病脚底先穿四風者脾受病遍身如癩五風者心受病先損其目○或有墳墓居址風水不吉或父母夫妻家人遠相傳染或在在外不謹糞坑房室床鋪衣被橋上樹下歇息去處命值委死凶星遭此惡疾宜服消風散追風散磨風丸兼用洗藥敷藥條然子○大風病是受得天地間殺物之風古人謂之癘風者以其酷烈暴悍可畏也得之者須



分在上在下夫在上者以醉仙散取臭涎惡血於齒縫中出在下者以通夫再造散取惡物蟲積於穀道中出所出雖有上下之殊然皆不外乎陽明一經蓋陽明者胃與大腸無物不受乃脾肺二藏之府也脾主肌肉而肺主皮毛乃府及於藏病也丹心 ○服藥下蟲積後用防風通聖散方見風門調之重者又與換肌散夫上下同得者甚重自非醫者神手病者鐵心空能免此若遇此疾切須戒鹽及一切口味公私世務悉宜屏去丹心 ○此疾雖治得愈若不絕味斷慾皆不免再發而終於不救孫真人曰嘗治四五百人終無一人免於死非真人不能治蓋無一人能守禁忌取丹心 ○初起白屑紫雲如癩風然或有遍身白皮脫落如蛇蛻狀得效 ○起白屑者白花蛇丸眉鬚落者三蛇丹鼻崩者換肌散補氣瀉榮湯通用凌霄花散加味苦參丸換骨丸大麻風丸紫雲風丸返魂追命再造散烏蛇苦參丸可選用諸方 ○治癩以蒼耳葉為君夏以酒煮烏蠶魚代蛇補之或缺為末糊丸梧

子大茶清下七八十丸夏入紫萍尤捷數月而安丹心 ○服藥後終身不得食牛馬驢騾等肉犯者復發必死得效

### 消風散

第一日服白芷全蝎人參各一兩右為末每二錢勿食晚飯次日空心溫酒調下身上微燥為效類聚

### 追風散

第二日服瀉血追蟲錦紋大黃六兩鬱金蟬肚者一兩八錢炒皂角刺一兩半右為末初服五錢或六錢入大風油一錢半朴硝少許入內好溫酒一椀調化五更空心服之直待辰時又如前調藥一椀入熟蜜少許勿命患人知先以水盥漱淨然後服藥必以蜜解口切勿臥良久痛瀉數次不妨以薄粥補之 ○此藥老弱者難治五十以下者可治精壯者十日內三服謂如正月月初一日服消風散初二日服追風散初三日服磨風丸又如此周而復始瘦弱者十日內一服類聚

磨風丸

第三日服日進一次當歸羌活獨活川芎天麻細辛防風荆芥威靈仙麻黃何首烏蔓荊子牛蒡子車前子皺面艸即蕪荑也蒼耳艸各一兩右晒乾為末酒麪糊和丸梧子大溫酒下五七丸日服仍用後藥熏洗類聚

洗藥

治滿身瘡爛地骨皮荆芥苦參細辛各二兩右剉以河水煎用大桶盛浸浴熏洗通身出血為效類聚

敷藥

治瘡爛遍身黑狗脊即貫眾也寒水石硫黃白礬枯各二兩蛇床子一兩朴硝五錢右為末臘猪脂調付妙類聚

浴法

治遍身癩瘡桃柳桑槐楮五般枝多水濃煎湯盛大桶浸坐沒頸一日候湯如油安矣正傳

醉仙散

治大風癩瘡胡麻牛蒡子枸杞子蔓荊子各一兩同炒白蒺藜苦參瓜蒌根防風各五錢

右細末每十五錢末入輕粉二錢拌勻每服一錢茶清調下晨午夕各一服後五七日先於牙縫內出臭黃涎渾身疼悶如醉然後利下膿血惡臭氣病根乃去矣丹心。服此藥時須斷鹽醬醋諸般魚肉油膩燒炙之物只吃淡粥及煮熟時菜并烏蛇白花蛇淡酒煮熟食之以助藥力丹心

通天再造散

治同上皂角刺黑大者一兩半太黃煨五錢右為末每二錢或三錢早晨面東好酒調下當日利下惡物或膿或蟲入門。服藥後泄出蟲視其色如蟲黑色乃是多年赤色是為近年三四日後又進一服直候無蟲乃止後取防風通聖散方見風門加苦參天麻蟬蛻煎服調理痛斷滋味丹心

換肌散

治大風年深毛脫鼻塌淚重者取效如神烏蛇白花蛇地龍各一兩當歸細辛白芷天麻蔓荊子威靈仙荆芥穗甘菊苦參紫參沙參木賊不灰木甘艸炙白蒺藜天門冬赤芍藥赤箭何首

烏石菖蒲胡麻子艸烏蒼朮木鼈子川芎各三錢  
半右爲末每五錢溫酒調下酒多爲妙其中紫參  
不灰木雖無不妨正傳

### 補氣瀉榮湯

治癩風先破瘡上命惡氣消盡後服此  
藥連翹升麻各六分桔梗五分黃芩生  
地黃各四分黃芪蘇木黃連地龍全蝎當歸各五  
分白豆蔻人參各二分甘艸一分半胡桐淚一分  
麝香少許桃仁三箇爲泥蚩蟲炒水蛭炒各三箇  
爲末右剉除胡桐淚麝香蚩蟲水蛭另末外都作  
一貼水二盞酒一盞煎至一盞去滓入細  
末藥煎至七分早飯後午飯後服之東垣

### 凌霄花散

治癩風神效蟬殼地龍炒白僵蠶全蝎炒  
各七箇凌霄花五錢右爲末每二錢熱酒  
調下丹心

### 加味苦參丸

治大風瘡苦參四兩防風荆芥蒼耳子  
胡麻子皂角刺各二兩半蔓荆子牛蒡

子枸杞子何首烏禹餘糧蛇床子各七錢半白芷  
四錢右爲末皂角煎膏和丸梧子大茶清或酒下  
五十九丸  
入門

### 換骨丸

治癩風苦參浮萍各一兩半大黃槐花白芷  
川芎各一兩二錢半蒼朮一兩乳香沒藥沈  
香木香各三錢麝香五分右爲末以麻黃五斤煎  
膏和丸彈子大每二丸溫酒化下忌風一二三日入

### 大麻風丸

治大麻風初起遍身瘡點五色不知痛痒  
麻木證苦參一斤羌活獨活白芷白藜白  
蒺藜天花粉何首烏各一兩三錢皂角刺當歸各  
二兩七錢右爲末別用皂角一斤剉水煎五日去  
滓熬膏和丸溫酒下百丸入門

### 紫雲風丸

治癩初起如紫雲癩風或發紫血疱瘡何  
首烏四兩五加皮白僵蠶苦參當歸各二  
兩全蝎一兩半惡實羌活獨活白芷細辛生地黃  
防已黃連赤芍藥蟬退防風荆芥蒼朮各一兩右

爲末酒糊和丸梧子大溫  
酒或米飲下七十丸入門

### 返魂追命再造散

治大風癩皂角刺一兩半大黃一兩右爲末每二錢冷酒調下瀉蟲

出直指

○一方治大風勢重不可救者皂角刺一

二斤九蒸九晒研爲末食上濃煎大黃湯調下錢一旬鬚髮再生肌膚悅潤

眼明倍常其效如神本艸

### 烏蛇苦參丸

治癩風及惡癬苦參一斤半烏蛇肉八兩石菖蒲四兩右爲末蜜丸梧子大茶

清下二百丸集成

### 愈風丹

治癩疾深重一名三蛇丹治大風髮脫眉落遍身麻木瘡爛烏蛇白花蛇土桃蛇各一條

並酒浸二日取肉爲末苦參一斤剉搗取頭末四兩皂角濃煎汁熬膏和丸梧子大以防風通聖散煎水吞下五十一丸日一入門

### 白癩瘡

癩風初起白屑剝落又一種每朝瘡上退白皮服白蛇丸

服白蛇丸得效

### 白花蛇丸

治癩風白屑瘡痒皮膚發燥白花蛇一條當歸二兩川芎白芷生地黄防風荆芥酒

本連翹胡麻子何首烏升麻羌活桔梗各一兩右爲末將浸蛇酒和水煮麪糊和丸梧子大茶清下五七十一丸入門

### 白花蛇酒法

治大風癩瘡白花蛇一條先蒸糯米一斗

傾於上然後以糯飯和勻頓於蛇上以紙封罈口候三七日開取酒將蛇去皮骨焙乾爲末每溫酒一盞調蛇末一匙服之仍以酒臍并糟

做餅食之○烏蛇釀酒法亦同上本艸

### 鍼法

癩風者素刺其腫上巴刺以銳鍼鍼其處按出其惡氣腫盡乃止常食方食無食他食靈樞○病大

風骨節重，鬚眉墮，名曰大風。刺肌肉為故，汗出，百日刺骨髓，汗出，百日凡二百日，鬚眉生而止。鍼內經。○癩風以三稜鍼看肉，紫黑處及委中，穴名。紫脈出，外血但不可令出太過，恐損真氣。正傳。

### 天疱瘡

一名楊梅瘡，與癩大同多，由肝脾腎風溼熱之者，屬心多生乳脇。○形如鼓釘，黃豆者，屬脾多生滿面。○形如綿花者，屬肺多生毛髮。○形如紫蒲萄，按之緊痛者，屬肝腎多，叢生於尻臀兩陰筋骨之處。○形如魚泡，內多白水，按之不緊者，謂之天疱瘡。乃此類之輕者。入門。○初起即服防風通聖散，一貼去，麻黃以去內毒，再用一貼去，硝黃發汗，以去外毒，以後用加減通聖散丸多服之。此方為管尾要藥，輕者一劑重者十貼後宜服化毒散。二三日後量用吹藥。二三日瘡乾欲落，欲落再服化毒散。二三日後量用通聖散加減。入門。○失治久則風毒流入經絡而成頑癬，或氣血虛敗而成漏，或誤服水銀輕粉而成風堆腫爛流膿，出汁病至於此。治之。

為難，亦有蝕傷眼鼻腐爛，玉莖拳拳，肢體與癩無異。入門。○初起宜服消風敗毒散，加減通聖散，加減通聖丸。從肚皮起者，裏熱發於外，速服防風通聖散。方見風門。

○成頑癬者宜皂根丸。○成腫塊者宜仙遺糧丸。西聖復煎丸消腫遺糧湯。○筋骨痛宜香鰓湯。通仙五寶丹。仙遺糧湯換骨散。回生保命丹。茯苓湯。○成漏宜象牙丸。○通治宜用活

魂丹。水硃丸。六六丸。天疱丸。三黃敗毒散。取輕粉法。○外治宜洗方。搽方。熏鼻方。吹藥方。照藥方。滅癩法。禁忌法。鵝掌癬治方。

### 加減通聖散

治楊梅瘡初起。牛蒡子一錢二分，防風花五分，梔子仁，當歸尾各七分，荊芥，槐花各六分，白僵蠶，甘艸各四分。右剉作一貼，水煎服。入門。

### 加減通聖丸

治同上。即前方共半斤，再加苦參半斤，右為末，酒糊或蜜和丸。梧子大酒飲任。下七十一丸。入門。

化毒散

治楊梅瘡重者生大黃一兩解熱毒 穿山甲去毒 五錢 解毒 白僵蠶三錢 去風 蜈蚣一條 去毒 當歸尾五錢 破血 右為末每服二錢溫酒調下日二服 入門

消風敗毒散

治天庖楊梅瘡初起當歸尾川芎赤芍藥升麻乾葛黃芩生地黃各一錢黃連黃柏連翹防風各八分羌活金銀花甘艸各五分蟬殼二箇初服加大黃二錢芒硝一錢半利下 後勿用 右剉作一貼 水煎服 四春

皂根丸

治楊梅瘡成頑癬當歸一兩黃芪一兩半人參陳艾各一兩麻黃五錢皂角樹根皮四兩右為末蜜丸梧子大二十丸 茯苓湯下五十九丸 入門

仙遺糧丸

治楊梅瘡後腫塊成癰土茯苓一斤防風木通薏苡仁防己白茯苓金銀花木瓜白鮮皮皂角刺各五錢白芥子四錢當歸身七錢右為末蜜丸梧子大酒飲任下五七十九丸或浸酒服

忌生冷雞猪魚煎炒等物 入門

西聖復煎丸

治楊梅瘡後腫塊經年破而難愈百方不效用此如神乳香沒藥孩兒茶丁香各一兩白花蛇阿魏血竭各四錢俱為末白麩炒一斤蜂蜜六兩煉香油四兩煎熟大棗二十枚去皮核右和勻搗千杵丸如彈子大每一丸土茯苓二兩水二碗煎至一碗入藥丸再煎至半去渣溫服 回春

消腫遺糧湯

治楊梅瘡後腫塊土茯苓十五兩木通薏苡仁防風防己赤茯苓金銀花木瓜白鮮皮皂角刺各五錢白芥子炒研四錢當歸身七錢右剉分作二十貼每一貼水煎服朝夕兩服 丹心

香鯨湯

治楊梅瘡毒筋骨疼痛茜根麻黃烏藥細茶槐花炒川椒各五錢魚鯨三錢以脂麻同炒

成珠乳香一錢右剉分作二貼每貼一貼  
薑蔥各五水煎服二三貼即愈同春

### 通聖五寶丹

治楊梅天庖瘡花等瘡潰爛見骨或筋  
骨疼痛或遍身疥瘡或成赤白癩鵝掌  
癬或皮破肉爛口臭難當一切頑瘡惡毒並皆治  
之鍾乳粉三分丹砂二分琥珀片腦各二釐真珠  
二釐半右細末每服五釐另入飛白霜二分半炒  
過合作一貼每日取土茯苓一斤水煎取汁十梳  
以湯一梳入藥一貼攪勻晨服其茯苓湯須一日  
服盡不可別用湯水服一料即愈神驗乃治楊梅  
天下古今第一仙方也回春

### 仙遺糧湯

治楊梅風毒或誤服輕粉以致癰瘕筋骨  
疼痛毀肌傷骨者服此除根永無後患土  
茯苓七錢溼者一兩防風木瓜木通薏苡仁白鮮  
皮金銀花各五分皂角刺四分右剉作一貼水煎  
日三服  
入門

### 換骨散

治天庖瘡筋骨疼痛土茯苓四兩皂角刺一  
兩半天花粉當歸荆芥麻黃梔子連翹各一  
兩乳香沒藥各一錢半右剉分作十貼每取  
一貼水三梳煎至一梳分三次服之醫鑑

### 回生保命丹

治楊梅天庖頑瘡及輕粉毒筋骨腫痛  
不拘新久皆效槐花一兩輕粉四錢二  
分朱砂四錢川芎白芷雄黃各三錢當歸炒二錢  
丁香血竭孩兒茶各一錢乳香沒藥各五分牛黃  
四分右為末棗肉入米粉打糊和丸黍米大用土  
茯苓一兩牙皂半箇同煎湯吞下日三服醫鑑

### 茯苓湯

治遠近楊梅天庖瘡毒甚至腐爛肌肉膿汁  
流出臭不可聞痛不可忍薏苡仁皂角刺木  
瓜白芷當歸尾黃柏生地黃牛膝白芍藥防風各  
一兩皂角川椒紅花各五錢甘艸節羌活各七錢  
金銀花二兩土茯苓四兩右剉分作  
十五貼每一貼水煎服日三次醫鑑

### 象牙丸

治楊梅瘡成漏象牙三錢鼈甲猬皮並燒各  
一箇右為末棗肉和丸櫻桃大每一丸空心

以童尿化下茶清亦可七日後取  
三味未猪膽汁調付瘡上入門

### 活魂丹

治楊梅天庖瘡潰爛喉穿鼻崩膿血淋漓血  
竭乳香沒藥銅綠白礬枯黃丹穿山甲煨焦

各一錢輕粉蟾酥各五分麝香一字右細末蝸牛  
研如泥和丸菜豆大每一丸重者二丸細嚼葱白  
裹藥熱酒送下  
下空心正傳

### 水珠丸

治年久楊梅頑瘡不愈者水花珠  
一錢枯白礬朱砂各一錢半右為末用全蠋

酒煎膏和勻分作六丸分三日服以  
羊肉鮮魚等湯送下九日全愈入門

### 六六丸

治天庖楊梅瘡輕粉一錢三分黃丹八分朱  
砂雄黃各五分乳香麝香各三分右為末糯

米糊和勻分作六丸每  
日茶清下一丸治瘡方

### 天庖丸

治同上輕粉一錢半朱砂雄黃陳石灰各半  
錢右為末陳米飯和丸菜豆大每三九茶清

吞下入治  
和方

### 三黃敗毒散

通治天庖楊梅等瘡防風荆芥連翹白  
芷當歸赤芍藥黃芩黃連梔子地骨皮

五加皮白鮮皮木瓜苦參蟬退金銀花薏苡仁白  
僵蠶皂角刺黃柏白蒺藜川芎  
上部倍用木通  
下部倍用

甘艸各一兩土茯苓一斤半右剉分  
作二十五貼每取一貼水煎服日一服醫鑑

### 取輕粉法

取出腹內輕粉之毒可免後患用開口川  
椒每空心以土茯苓煎湯吞下二十粒即

利輕粉於椒內從大便出洗起川  
椒服至椒內無輕粉乃止入明

### 仙遺糧

善治久病天庖楊梅癰漏及曾誤服輕粉肢  
體廢壞筋骨疼痛者能收其毒而祛其風補

其虛。右一味為末蜜丸梧子大川椒煎湯吞下  
五十九丸鼻崩眉落筋緩骨拳者皆效但初起肺熱  
便祕者勿  
服入門



一方

治楊梅天疱諸瘡香油二斤入水一盞煎至白烟起收貯每用黃酒一鍾入油一盞溫服日三次服盡全愈。又方鴨一隻餓二日只與白水飲之。用輕粉一兩粳米飯四兩拌勻喂鴨待吃盡以葦根棍碎泡水金鴨飲之解去輕粉之毒待鴨毛落盡煮鴨食之。

洗藥方

治楊梅瘡爛防風蒼耳子地骨皮荊芥苦參細辛各三兩剉以河水煎盛大桶浸浴熏洗通身出汗出血為效。又方苦參蛇床子白蔡荊芥濃煎湯浸洗得效。又桃柳桑槐楮濃煎湯浸浴亦佳。入門。

搽藥方

治楊梅天疱遍身瘡爛杏仁十四枚鐵桃火土燒半生半熟輕粉一錢片腦二釐為末豬膽十或香油調搽。入門。又野菊花棗木根煎湯洗後防風通聖散同蚯蚓糞為末略炒蜜調付之。極妙。入門。又用干金散麝香輕粉散。

千金散

治楊梅瘡爛乳香沒藥血竭雄黃杏仁各二錢輕粉孩兒茶白礬枯各五分膽礬三分麝香二分右為末先以豬膽汁洗瘡後糝上。醫鑑。

麝香輕粉散

治天疱瘡爛及諸惡瘡白礬乳香各一兩輕粉五錢麝香半錢右為末每取少許糝付之。治瘡方。

熏鼻方

治楊梅天疱瘡熏鼻甚奇黑鉛水銀各一錢朱砂乳香沒藥各五分血竭雄黃沈香各二分右為末和勻捲作紙燃七條用香油點燈放床。上命病人放兩腳包住上用單被通身蓋之。口噙凉水頻換則不損口頭初日用三條後日每用一條熏之。丹心。又方水銀白錫百艸霜各一錢先將錫溶化入二味和勻研末捲作紙燃九條每早午晚各一條用紙作單勿令泄氣熏鼻孔男左女右口噙凉水溫則易之。醫鑑。熏三次三日九次全愈。醫鑑。

### 吹藥方

治楊梅天疱瘡黑鉛八分熔化入水銀一錢  
 同結成餅銀珠 即輕粉 一錢半炒白礬雄黃  
 各一錢為末棗肉搗勻分作六丸每取一丸放火  
 籠內命病人以巾包頭日吹眼看其藥丸待烟盡  
 能止當日早午晚各吹一丸次日早午吹一丸第  
 三日只早吹一丸吹後三五日或口流涎以黃連  
 菜豆煎湯解之又服化毒散方見上 二三日後  
 以加減通聖散丸方見上 調理斷根入門

### 照藥方

服茯苓湯後次用照藥水銀黃丹炒白錫各  
 一錢血竭末五錢京香三分無麝香者右為  
 末用熟艾鋪紙入藥在中捲作條放蓋內入香油  
 一椀將藥條作燈心點火安木桶內四圍用鹽紙  
 圍住勿泄氣眼看燈口噴涼水  
 熱則換水盡藥條為度 醫鑑

### 滅癩法

治天疱楊梅瘡愈後癩痕紅黑用大黃白  
 礬等分同研擦患處其痕即去如常 回春  
 天疱楊梅瘡忌食牛馬狗肉雞豬魚生冷及酒  
 麪茶油膩辛辣熱等物痛斷酒色鹽宜炒食 回春

### 禁忌法

### 鵝掌癬

凡天疱楊梅瘡服輕粉愈後手掌上發癬退皮  
 一層生生不絕名曰鵝掌癬亦曰鵝掌風宜服  
 蒼耳散擦玉脂膏 醫鑑 ○一方猪前蹄爪破開入  
 菊花蒼耳末以線縛定煮爛食之次日用白鮮皮  
 皂角雄黃各五分鉛炒水銀三分為末臨臥以鵝  
 脂薑汁調擦次早以磁鋒磨刮去麤皮服蒼耳散  
 擦玉脂膏更灸勞宮或內關穴斷根 入門 ○又方  
 黃丹輕粉等分為末猪油調擦 ○川烏艸烏何首  
 烏天花粉赤芍藥防風荆芥蒼朮地丁  
 各一兩艾葉四兩煎水熏洗立效 回春

### 蒼耳散

治鵝掌癬猪牙皂角土茯苓甘草各一錢蒼  
 耳子金銀花皂角刺防風荆芥連翹各一錢  
 天麻前胡蛇床子各五分右剉作  
 貼薑一片川椒一撮同煎服 醫鑑

### 玉脂膏

治同上牛乳拍油 無時則鵝 香油黃蠟各一兩  
 熔化乃入胡粉二錢輕粉一錢半麝香五分  
 右為末入內攪勻抹癬上火  
 上烘擦再烘再擦如神 醫鑑

癰癧

癰癧之證內經謂之結核是也生頸前項側結核如大豆如銀杏日癰癧生胃脇腋下堅硬如石形如馬刀蛤口馬刀入門。結核連續者為癰癧形長如蛤者為馬刀網目。繞項起核名曰蟠蛇癧多生肩項或赤或白或沈或浮初生如豆久似核年月浸久其大如梅或如雞卵排行成列或生二三或生六七八是也。用性努力思慮過久則疼痛赤腫早治為上網目。流注癰者婦人多有之其性急躁其氣怫鬱其心熱著初生在項破後流注四肢遍體結毒如梅李狀不療自破孔竅相穿寒熱疼痛或流膿汁是也又名千歲瘡化氣調經湯主之綱目。癰癧始起於少陽不守禁忌延及陽明大抵食味之厚鬱氣之積皆此二端招引變換以其屬膽經主決斷有相火而且氣多血少婦人見此若月經行寒熱不作則可生稍久轉為潮熱危矣自非斷慾絕慮食淡雖神聖不可治也丹心。膽與肝合且主筋病則筋累累如貫珠寒熱焮痛乃肝氣動而為病也當清肝火為主宜清肝益榮

湯方見五藏柴胡清肝湯方見雜症梔子清肝湯入門。肝燥火動而筋攣補中勝毒餅為主多怒火宜清肝解鬱湯方見五藏有寒熱單夏枯艸散通用貓頭丸海藻散堅丸入門。治方大槩以地膽斑貓為主滲泄小便復以瀉心火立應散是也然性甚峻服後量體調治實者宜熱丹虛者托裏益氣湯方見雜症。入門。癰癧之毒莫不有根地膽斑貓製度如法能使其根從小便中出或如粉片或如塊血或如爛肉皆其驗耳但毒根之行小便必澀當以木通滑石輩導之然毒必從小便出者何哉蓋諸痛痒瘡瘍皆屬於心故也直指。通治宜化氣調經湯貓頭丸海藻散堅丸宜熱丹三聖丸小犀角丸散腫潰堅湯內消丸琥珀散蠟礬丸天花散夏枯艸散。瀉肝膽火宜梔子清肝湯。瀉毒宜立應散薄荷丹白蛇丹四聖散。補虛補中勝毒餅益氣養榮湯。馬刀瘡宜連翹散堅湯消腫湯柴胡通經湯諸方

### 化氣調經湯

通治流注瘰癧橘皮二兩香附子酒浸製羌活白芷各一兩牡蠣粉天花粉皂

### 梔子清肝湯

治肝膽火盛耳後頸項胃乳等處結核腫痛寒熱柴胡二錢梔子酒炒牡丹皮各一錢三分赤茯苓川芎赤芍藥當歸牛蒡子各一錢青皮甘州炙各五分右剉作一貼水煎服

### 補中勝毒餅

治瘰癧馬刀瘡黃芪一錢半連翹一錢防風升麻柴胡甘州各五分當歸生地黃熟地黃白芍藥陳皮人參各三分右為末湯浸蒸餅調和捏作餅子晒乾每一餅搗為末白湯調下入門

### 夏枯艸散

大治瘰癧散結氣有補養厥陰血脈之功夏枯艸末六錢甘州末一錢右和勻每錢茶清調下。又取一兩水煎服虛者多服益善兼服十全大補湯方見虛門加香附遠志貝母治

瘰癧馬刀退寒熱之聖藥也入門

### 貓頭丸

治瘰癧馬刀已破未破皆效貓頭骨一箇炙蝮蝮一箇以朱砂三錢填入腹內瓦上炙焦南星白礬各一兩右為末黃蠟熔化和丸棗豆大臨臥米飲下二十九入門

### 海藻散堅丸

治瘰癧馬刀堅硬形瘦潮熱兼治癭氣神麴四錢海藻昆布艸龍膽蛤粉通艸貝母白礬枯真松蘿各三錢半夏二錢右為末蜜丸棗豆大蔥白湯下二十九或取末二錢溫酒調服入門

### 宣熱丹

解瘰癧風熱之毒自小便出薄荷皂角連翹何首烏蔓荊子三稜荊芥各一兩右為末熟醋浸豆豉二兩半搗膏和丸梧子大熟水下二十九日一服入門

### 三聖丸

通治瘰癧丁香五十粒斑貓十箇去毒炒麝香一錢右為末鹽豉五十粒湯浸研如泥和

丸菘豆大每服五七丸空心溫酒送下日進三服  
五七日外覺小便淋瀝或下如青筋膜之狀是病  
之根也  
綱目

### 小犀角丸

治諸癰應效如神常服去根黑丑半生半  
炒取頭末犀角青皮陳皮各一兩連翹五  
錢右為末皂角二條去皮弦子湯浸絞取汁一椀  
新薄荷二斤取汁同熬膏和丸梧子大連翹薄荷  
湯吞下三十九丸  
食後服 綱目

### 散腫潰堅湯

治癰癰及馬刀瘡堅而或潰或潰出膿  
水黃芩一錢酒洗半生半炒州龍膽酒  
洗六分瓜蒌根酒洗黃柏酒炒知母酒炒桔梗昆  
布海藻各七分柴胡六分炙甘草三稜酒洗蓬朮  
酒炒連翹各五分葛根白芍藥當歸梢各四分黃  
連酒洗升麻各三分右剉作一貼水浸半日煎服  
食後去枕低頭而臥含一口作十次嚥下徐徐服  
之另擣一料為細末蜜丸菘豆大每取百丸以煎

藥湯送下 東垣

### 內消丸

治癰癰結核熱毒鬱滯服之內消黑丑八兩  
取頭末青皮陳皮各二兩右為末以薄荷皂  
角各三兩煮爛取汁熬膏和丸菘豆大  
以荊芥茶清吞下三十九丸食後服精義

### 琥珀散

治癰癰結核內消神效白丑頭末滑石白殭  
蠶黃芩各一兩木通連翹各七錢松殼赤芍  
藥柴胡各五分斑貓三錢去翅足炒甘州三  
錢琥珀二錢右剉分作六貼水煎服回春

### 天花散

治癰癰潰爛疼痛金銀花二錢赤芍藥一錢  
七分天花粉一錢五分穿山甲一錢二分白  
芷當歸各一錢貝母七分沒藥五分乳  
香二分右剉作一貼酒煎服醫鑑

### 立應散

治癰癰馬刀瘡連翹赤芍藥川芎當歸滑石  
甘州各五錢黃芩斑貓去毒炒各三錢白丑  
頭末生土蜂房蜜水洗飯上蒸晒乾各二錢半川  
烏尖七箇右為末每一錢濃煎木通湯調下臨臥

服毒從小便出如粉片血塊是也未效再服斑貓  
性毒濟以烏尖或衝上麻悶嚼蔥白茶清下以解  
之如尿澀益元散或五苓散燈心煎湯調  
下宜毒後繼服薄荷丹解其風熱入門

### 薄荷丹

解瘰癧毒服藥從小便出後常服此薄荷皂  
角連翹何首烏蔓荊子三稜荊芥各一兩右  
為末豉二兩半以熱醋淹豉令軟研為  
糊和丸梧子大熟水下三十丸直指

### 白蛇散

治瘰癧馬刀九瘻寒熱作痛白花蛇肉二兩  
青皮黑丑頭末半生半炒各五錢犀角二錢  
半右為末每一錢入輕粉五分研勻五更以糯米  
飲調下巳時利下惡物乃病根也十日後再服後  
用四聖散補之  
永斷根入門

### 四聖散

治瘰癧瘰癧用白蛇散取轉後用此補之海藻石  
決明煨羌活瞿麥各一兩右為末每一錢  
飲調下三日服下  
清水盡為妙得效

### 蠟礬丸

治瘰癧馬刀惡瘡衛護內膜驅解  
諸毒自然內消神妙方見癰疽

### 益氣養榮湯

治懷抱抑鬱瘰癧流注日晡發熱或潰  
而不斂黃芪一錢半人參白朮各一錢  
當歸酒洗川芎白芍藥酒炒生地黃陳皮香附子  
貝母各七分柴胡桔梗地骨皮甘艸炙各五五分右  
剉作一貼水煎  
服日三次醫鑑

### 連翹散堅湯

治馬刀瘰癧流注遍體作核瘡柴胡  
一錢半艸龍膽酒炒四次土瓜根酒炒  
各一錢二分黃芩酒炒三次一錢當歸梢生黃芩  
蓬朮酒炒三稜酒炒連翹白芍藥酒炒各七分炙  
甘艸五分黃連酒炒蒼朮各四分右剉作一貼水  
浸半日乃煎去枕仰臥一口作十次嚥之雷一且  
送下丸藥另取一劑為細末蜜丸菉豆大每  
百丸以煎藥水送下更以龍泉散塗之正傳

### 消腫湯

治馬刀瘡連翹二錢生黃芩柴胡各一錢二  
分天花粉黃芪各一錢當歸梢甘艸各七分

鼠粘子黃連各五分紅花二分  
分右剉作一貼水煎服正傳

### 柴胡通經湯

治少陽經分項側有核堅而不潰名曰  
馬刀瘡桔槔二錢柴胡連翹當歸尾黃

芩黃連並酒炒鼠粘子三稜甘艸生各一  
錢紅花一分右剉作一貼水煎服回春

### 一方

治瘰癧烏雞卵一枚穿頂納斑貓一箇紙封其  
竅蒸熟去貓日一服煎五積散方見寒門送下

四五枚即效入門

### 外治法

凡瘰癧馬刀荏苒日久內必成膿若腫高消軟  
其人面色萎黃皮膚壯熱上蒸膿已成也可以

鍼決核中用追毒蝕肉錠子紙之用膏貼之精義

○治法以火鍼刺入核中納蟾酥膏于中外用綠  
雲膏貼之三日後取去核中稠膿膿盡取去核外

薄膜先破初起之核一枚以絕其源服藥則後出  
者皆愈或不能收如銀杏者盡皆開用藥取之  
其自潰者猶如木果之腐熟肉雖潰而核猶存故

膿水淋漓久難得愈治法用鐵烙燒赤烙去其核  
核猶存者併肉潰處次用金寶膏追去蠹惡之根  
遂能長肉而愈正傳

### 蟾酥膏

蟾酥如大豆許白丁香十五枚巴豆肉五粒  
寒水石寒食麪各少許右各另研合和再研

蜜丸棗豆大每二丸或三丸或四丸納入銀竅  
中如膿未盡再納數丸以膿盡為度正傳

### 綠雲膏

黃連大黃黃芩玄參黃柏木鼈子肉各一錢  
右剉香油一兩同煎焦色去滓入松脂五兩

再煎成膏濾入水中扯拔如金色再熬放溫入猪  
膽三箇汁銅綠醋浸一宿去滓三錢攪勻如常攤  
貼如瘡口不乾加乳香  
沒藥輕粉尤妙正傳

### 金寶膏

去腐肉惡肉不傷良肉桑柴灰五碗以沸湯  
十碗淋濾取汁穿山甲煨胖二兩信砒一錢

杏仁七枚三味同研細生地黃二兩朱砂一錢輕  
粉麝香各半錢右將灰汁下鍋煎濃下甲末等及

地黃汁候焦乾下麝香次下輕粉次下朱砂候將成膏下炒石灰末一兩以成塊子收入罐內勿見風每取付核上再付即去舊藥併屬即效止傳

### 禁忌法

戒之直指  
必成戒  
之責生

人有此患不惟懲忿窒慾其於飲食百味一切切忌毒藥點蝕及妄用鍼刀割破

### 糝貼藥

凡瘰癧馬力惡瘡宜用蠶蠶散貓蝠散代灸散龍泉散蝸牛散燒灰散生權散選用○初起未破者香膏琥珀膏二方見雜方常貼之可自消○治瘰癧神效方白膠香海蝶蛸降真香等分爲末糝患處外以水紙掩之夕夕而退○又方未破者蜜蜂二十一箇蛇蛻七分半蜈蚣二條端午前收者右用香油四兩同熬成入光粉二兩以桑枝七條急攪候冷出火氣七日收貯每用攤紙上貼患處○此方不須服藥  
尺貼上五七日可便消網日

### 蠶蠶散

治瘰癧蠶蠶三箇白朮砒礞各一錢右並火煨爲末糝爛肉上三日其核即下入門

### 貓蝠散

治瘰癧多年不愈神效貓頭骨一箇蝙蝠一箇右二味俱撒黑豆上同燒存性研爲末乾糝入門

### 代灸散

治瘰癧潰爛臭不可聞鉛粉雄黃各一錢輕粉五分麝香二分右爲末用槐皮一片將鐵密密刺孔置瘡上上糝藥一撮以炭火炙熱其藥氣自然透入瘡中痛熱爲止一二三次全愈醫鑑

### 龍泉散

治瘰癧鉛粉龍泉粉炒即磨刀礞上粉也昆末熱水調塗瘡上即效○瘰癧先出一箇用四楞鐵環定住不令出移破作口了以油紙燃紙之勿令合了以絕其瘡源其效至速如瘡不破或病人不能破龍泉散塗之三日一瘰易網月

### 蝸牛散

治瘰癧潰與味潰皆可蝸牛不拘多少以竹簽貫穿瓦上晒乾燒存性爲末入輕粉少許



取猪骨髓調勻攤紙花貼瘡上三四因○一  
方蝸牛肉七箇丁香七粒用如法得效

### 燒灰散

治同上大田螺并殼肉燒存性為  
未破者乾糝未破者油調付得效

### 生確散

治同上生確一箇取四足臍尾背并兩耳右  
燒存性為末油調先洗瘡後塗之立效類聚

### 洗傳方

治瘰癧白芷荊芥煎湯溫洗拭乾貼膏藥膿  
汁出盡後半夏南星血竭各一錢輕粉少許

為末唾調  
傳得效

### 難治可治證

帝曰寒熱瘰癧生於頸腋者何氣使然  
岐伯曰此皆鼠瘻寒熱之毒氣留於脉  
而不入者也帝曰伏以生奈何岐伯曰反其目視  
之其中有赤脉上下貫瞳子者見一脈一歲  
一脈半一歲半一歲半一歲半一歲半一歲半  
一歲半一歲半一歲半一歲半一歲半一歲半  
也靈樞○婦人患瘰癧經調及經閉無潮熱者可  
治經閉有潮熱或咳者灰玉燭散方見胞門治瘰

### 灸法

瘰癧通經日服一貼七八日自消○男子患瘰癧有  
潮熱有咳乃瘰癧傷證之標也故勞瘵類有日腹  
中有塊頸上有核最為難治入門○瘰癧  
延及胃中中府雲門肺經部分者灰得效  
治瘰癧以手仰置肩上一微舉肘取之肘骨尖上  
穴隨患邊灸七壯或二十七壯神效○又法於  
掌後手腕盡處橫紋量起向臂中心直上二寸半  
是穴灸三壯即效丹心○秘法肩尖肘尖二穴即  
肩髃肘髃二穴灸此穴疎通經絡良方○  
瘰癧核上每灸七壯隔蒜片灸之尤妙資生

### 結核

獨形而小核者為結核細目○結核者火氣熱甚  
則鬱結堅硬如果中核也不須潰破但熱氣散則  
自消河間○結核在一身如腫毒者在皮裏膜外  
多是溼痰流注作核不散問其平日好食何物吐  
下後用藥散核丹心○痰癭推動滑軟入門○結  
核在頸項二陳湯方見瘰癧門加酒炒大黃桔梗柴  
胡連翹煎服○結核在臂二陳湯加連翹防風川  
芎酒芩蒼朮皂角刺白僵蠶煎水入麝香少許服

行太陰厥陰之積痰則即消丹心 ○遍身有核多

是痰注左加味小胃丹竹瀝達痰丸 二方見痰門

通用海帶丸含化丹入門 ○結核宜用消風化

### 海帶丸

### 含化丹

治痰核癭氣久不消海帶青皮貝母陳皮各  
等分右為末蜜丸彈子大食後噙化一丸  
治耳項結核酒蒸大黃白僵蠶青黛牛膽南  
星各等分右為末蜜丸彈子大食後噙化一

### 消風化痰湯

治結核因風痰鬱結白附子木通各一  
錢南星半夏赤芍藥連翹天麻白僵蠶  
蒼耳子金銀花天門冬桔梗各七分白芷防風羌  
活皂角各五分全蝎陳皮各四分甘艸一分右判  
作一貼薑五片  
水煎服 同春

### 開氣消痰湯

治胃中胃脘至咽喉門窄狹如線痰痛及  
手足俱有核如胡桃者桔梗便香附白

僵蠶各一錢陳皮片芩枳殼各七分檳榔前胡生  
夏枳實羌活荆芥射干威靈仙各五分甘艸四分  
木香三分右判作一貼  
人薑三片水煎服 醫鑑

### 內托白薇散

治腋下痰核因酒怒氣發腫痛潰膿久  
不差不差赤芍藥當歸連翹各一錢白芷白  
薇片芩酒炒瓜萸仁各八分川芎天花粉乳香各  
七分防風桔梗柴胡各五分白茯苓生甘艸各四  
分右判作一貼  
水煎服 同春

### 消解散

治咽喉結核腫痛頸項不得回轉兩腋下或  
有塊如石硬南星半夏各一錢陳皮枳實桔  
梗柴胡前胡黃連連翹赤芍藥防風獨活白附子  
蘇子蓬朮蔓荊子木通甘艸各五分右判作一貼  
薑三片燈心一  
團同煎服 同春

### 消核丸

治頸項耳後結核三五歲成簇不紅不腫不  
作膿者橘紅鹽水拌焙赤茯苓大黃酒煨連

翹各一兩片，芥酒炒，梔子炒各八錢半，夏菊玄參酒拌，牡蠣煨童便淬，另研，天花粉瓜蒌仁桔梗各七錢，白僵蠶炒六錢，生甘州節四錢，右為末湯浸蒸餅和丸，菘豆大白湯下，八、九、十丸。

### 又方

治項後少陽經中疔瘡，結核或赤硬腫痛，生山藥一塊，去皮，葶麻子三箇，去皮，右研勻，攤貼如神。

海藏。治頸上塊動，夏枯州末六錢，甘州末一錢，右和勻，每服一錢，至二錢，茶清調下，丹心。

又方。治痰核疔瘡，商陸根生南星合搗爛塗之，立消。

種杏。又方。南星州烏等分為末，薑汁調塗，立消。

同春。又大蜘蛛研爛好酒浸去滓，臨臥溫服，甚效。

### 癭瘤

人身氣血凝滯，結為癭瘤，癭則憂患所生，多著於肩項，瘤則隨氣凝結，此等皆年數深遠，浸大浸長，堅硬不可移者，名曰石癭，肉色不變，名曰肉癭，筋脉露結，名曰筋癭，赤脉交結，名曰血癭，隨憂愁消長，名曰氣癭，五癭皆不可決，破決破則膿血崩潰，多致致天枉。

梅李皮嫩而光，漸如盃卵，癭名有六，骨癭、肉癭、脈癭、血癭、石癭、脂癭，亦不可決，潰肉癭尤不可破，破則殺人，惟脂癭決去其脂則愈。○癭瘤總皆氣血凝滯，結成，惟憂患耗傷心肺，故癭多著頸項及肩也，勞慾邪氣乘經之虛而住，故癭隨處有之。入門。○通治癭瘤蠟藥丸，久服則自然消縮，最妙方。見癭疽。○直指。○五癭六癭或軟或硬無痛無痒，宜破結散，散人參化癭丹、海帶丸。○凡癭癧癧癧神效，開結散治脂癭，方枯癭，方化癭膏、南星膏。○服治癭癧癧癧藥，先須斷厚味。○凡癭癧癧癧贅等，至年衰皆自內潰，理於年壯可無後憂也。○義。○癭癧初起，通用十六味流氣飲。○方。見癭疽。○蜘蛛方，久服蠟藥丸。○外付南星膏。入門。

### 破結散

治五癭及癧，即上海藻散，堅丸也。○有方。去松蘿代真桑寄生，一倍服。三五日，其癭自消散而愈。正傳。

人參化癭丹

治癭瘤海帶海藻蛤粉昆布上四味皆焙澤瀉炒連翹各一兩猪鬃羊鬃即猪鬃外腎乃囊中各十枚切片焙乾右為末蜜丸芡實大之卵也食後嚼化一丸九日二日○癭瘤多用昆布海藻海帶鹹能軟堅醫鑑之藥治之

舐掌散

治癭海海藻黃連各一兩右為末取少許置掌中一時時舐之津液嚥下如消三分之一止藥正傳 ○一方海藻海帶昆布蓬朮青鹽等分為末蜜丸彈子大嚥化嚥下日三服丹心

神效開結散

治癭瘤皆效沈香二錢木香三錢陳皮四錢真珠四十九粒火煨猪厭肉子項下喉龍系一枚如棗大微扁色紅者每二錢臥時冷酒調和徐徐嚥下輕者三五服效重者一料全愈入門

治脂癭方

一種脂癭粉紅色全是痰結用鍼決去脂粉則愈或有如茄垂下根甚小者用藥

其帶痰茄落即用生肌膏貼之防其出血入門

枯癭方

砒礞硝砂黃丹雄黃輕粉各一錢斑猫生三十箇朱砂乳香沒藥各一錢右為末糯米粥和丸捏作碁子樣暴乾先灸三壯於癭頂以藥餅蓋上以黃柏末水調貼之數日自然枯落綱目

化癭膏

治肉中腫起生癭漸大自斂一兩大黃川芎赤芍藥黃芩黃連當歸白礬各五錢吳茱萸二錢半右為末雞子黃調勻攤帛貼之類聚

南星膏

治癭癭生天南星大者一箇細研滴醋三五點為膏先將鍼刺癭上卻以藥攤紙上貼之得效頻貼取效如無生者乾者為末醋調用之醫鑑 ○又方南星艸烏為末薑汁調付之亦佳

又方

治氣癭鍼砂浸水缸中平日飲食皆用此水十日一換鍼砂服半年自消直指 ○凡海中菜皆療癭癭結氣海藻一斤洗去鹹酒三升漬數日稍稍飲之 ○海藻昆布等分為末蜜丸常含化嚥汁

本州 ○夏枯艸散瘰結氣水煎頻服即愈 本州 ○松蘿治瘰癧水煮服之 本州 ○治瘰癧大蜘蛛一箇搗酒頓服入門 ○羊靨鹿靨酒漬炙含嚥汁七日差 本州

### 灸法

治瘰癧灸天突三七壯又灸肩髃男左十八壯右十七壯壯女右十八壯左十七壯壯妙得效

### 疔瘻

瘻者諸瘻之潰漏也狼瘻鼠瘻蝮蛇瘻蜂瘻蟻瘻瘦瘰瘻浮疽瘻癰瘻癰瘻轉筋瘻是為九瘻其證穿孔一深膿汁不盡風冷併入涓涓而成漏矣 直指 ○漏喜發於項腋及陰僻肛門之間瘵治失節即生寒熱凡癰疽諸發苟有宿膿朽骨停蓋其間皆為之漏 直指 ○內經曰陷脉為瘻雷連肉腠者是也可用附子灸法蒜餅灸法 方見鍼灸之瘡口維翠霞散或翠霞錠子維之 外貼膏藥 精義 ○治法溫散風冷為急宜溫解散內塞散 ○收水次之宜牽牛酒 ○生肌又次之宜龍骨牡蠣人齒犬牙加血竭乳麝髮灰內外相維生肌必矣或平肌散 方見癰疽 人牙散蜂房散選用 ○通治宜加

味蠟礬丸內生肌丸乳麝雲母膏溫經丸 ○外治宜截瘡散雄黃膏黑靈散 ○熏方洗方取久漏中朽骨方治心漏方 取漏蟲法禁忌法

### 溫解散

治漏瘡散風冷蒼朮厚朴陳皮藿香半夏麴川芎白芷細辛各一錢官桂白薑甘艸炙各七分右剉作一貼入薑三棗二水煎服得效

### 內塞散

治瘡瘻瘡久不差人參黃芪當歸白茯苓防風白芷桔梗樓川芎遠志厚朴官桂赤小豆甘艸炙各五錢附子炮一箇右為末每取一錢溫酒調下 精義

### 牽牛酒

引漏瘡中惡水自大腸出黑牽牛頭末二錢入猪腰子內以線扎縛溼紙包慢火煨熟空心細嚼溫酒送下入門 ○一名猪腎酒夫水屬腎也腎虛水溢則滲漉於漏瘡行腎之水無如黑牽牛取細末入猪腎服之則借腎入腎兩得其便惡水既泄則不復淋漓矣 直指

### 人牙散

治漏瘡惡瘡能生肌人牙煨油髮灰雄雞內金各等分右為末入麝香輕粉各少許和勻

溼則乾糝乾則油調付之

### 蜂房散

治久年漏瘡露蜂房炙黃七錢半穿山甲焦龍骨各二錢半麝香少許右為末臘猪脂調

付之入門

### 加味蠟礬丸

治久新諸漏象牙五錢露蜂房白僵蠶蛇退燒血竭木香各三錢乳香二錢白礬二兩右為末黃蠟四兩熔化和勻衆手作丸梧子大溫酒下二三十丸入門

### 内生肌丸

治漏瘡枯白礬鹿角屑脂麻各一兩為末蜜丸梧子大溫酒下三十九丸竅塞後去鹿角加象牙一兩黃蠟

和丸常服斷根入門

### 乳麝雲母膏

治漏瘡穿山甲一百片蚌粉同炒候焦起泡去粉取甲為末四兩入乳香末一

錢麝香半錢夾和雲母膏十五貼和丸梧子大溫酒下三十九丸直指

### 溫經丸

治陷脉久瘦附子二兩醋浸炮七次去皮臍厚朴官桂白朮乾薑木香甘艸各一兩右為末蜜丸梧子大溫酒下三十九丸

飲下三十五丸精義

### 截疔散

治年深疔瘻瘡白斂白芨黃丹蜜陀僧各二錢黃連一錢龍腦麝香輕粉各二分右為末乾糝或紙

乾糝或紙之東垣

### 雄黃膏

治久年冷癩油髮灰黃蠟各五錢雄黃末硫黃末各二錢半香油二兩右和勻熔化候成膏貼之

直指

### 黑靈散

通治漏癩露蜂房五錢牡蠣粉黃丹硫黃研各一錢半右同炒烟盡為末入油髮灰二錢半麝香少許右和勻糝付直指

翠霞散

治漏瘡惡瘡去毒生肌滑石五錢銅綠二錢  
半輕粉一錢龍腦麝香粉霜各二分半右爲  
末醮紙瘡口上  
以膏貼之精義

翠霞錠子

治久冷漏瘡內有肉銅綠寒水石煨滑  
石各三錢白礬輕粉砒礪雲母石各一錢  
二分半右極細末合糊爲錠子如麻黃  
麤細量瘡深淺紙之上貼膏藥精義

熏漏瘡方

艾葉五倍子白膠香苦楝根右等分剉  
如燒香法置長桶內坐其上熏之入門  
凡漏瘡孔中多有穢惡常須避風洗淨白  
芷露蜂房或大腹皮苦參煎湯熏洗拭

取東向石榴根皮爲末乾糝以殺淫  
蟲入門凡諸瘡切忌生水洗得效

取久漏中朽骨方

久疽及痔漏中有朽骨宜取去之  
火煨通紅取出去泥研爲末飯丸粟米大以紙  
燃送入竅內外用膏藥封之其骨自出丹心

治心漏方

胃前有孔常出血水謂之心漏此病醫書  
少載人多不知鹿茸酥炙附子炮鹽花各  
等分右爲末棗肉和丸梧子  
大空心溫酒下三十九丸丹心

取漏蟲法

取活鱗魚數條令盤屈以竹簽串定香油  
塗上下覆瘡上以布巾繫定良久覺痒痛  
不可忍取鱗入水中有蟲如線出焉朱盡再覆蟲  
盡後以艾湯入白礬洗淨黃連檳榔末糝付治瘰  
瘡亦妙入門

禁忌法

凡漏切忌七情房勞尤忌怒氣  
不然則核則大漏則水多直指

單方

凡八種有  
烏金散

橡斗子

治漏瘡疔瘻瘡取一二箇一實黃丹一實白  
礬兩藥相合定麻皮纏了燒存性研細入麝  
香少許洗淨糝之  
名曰烏金散濟生

疥蟪蟲

已下至三蛇膽治皆同上剪去兩頭安瘡口上以艾炷灸之七壯一炷易不過七枚無不效

纓鼠

燒取膏塗之  
最妙本州

鱧魚

取其肉其甚效本州

鯉魚腸

火炙封瘡口半日許覺瘡開看蟲出差本州

松脂

煉填瘡口令滿日  
易即效本州

蝮蛇膽

取汁塗之  
本州

熟犬肉

肛漏多孔蘸藍汁食之七日差得效

灸法

久漏瘡足內踝上一寸灸三壯在上則灸肩井鳩尾東垣  
○冷漏多在腿足之間先雖積熱所注久則為寒宜用附子灸法硫磺灸法  
法並見

久瘡成漏膿水不絕者亦宜灸丹心

疥癬

疥瘡有五  
一曰乾疥皮枯屑起宜吳茱萸散  
○二曰溼疥脈腫作痛流汁淋漓宜一上散  
○三曰砂疥細如砂子或痛或痒宜剪艸散  
○四曰蟲疥痒不知痛易於傳染宜硫磺餅  
○五曰膿疥合漿稠膿色厚焮痛宜三黃散  
○癬瘡亦有五  
一曰溼癬狀如蟲行搔之汁出  
○二曰頑癬全然不知痛痒  
○三曰風癬又名乾癬搔生白屑  
○四曰馬癬微痒白點相連  
○五曰牛癬如牛領皮厚且堅  
○疥癬皆血分熱燥以致風毒剋於皮膚浮淺者為疥深沈者為癬疥多挾熱癬多挾溼疥狀如被芥甲癬狀如走苔藓大槩相同  
入門  
○治疥宜升麻和氣飲一掃散神異膏如聖散油調之效散  
○治癬宜麻豆膏蝎猫膏胡粉散連粉散  
○通治疥癬宜一上散祕傳一擦光當歸飲子何首烏散無萸散浮萍散  
諸方  
○凡疥痛甚加寒水石痒加黑狗脊微痒加蛇床子有蟲加雄黃喜溫熱加硫磺丹心

吳茱萸散

治乾疥及春月發者以此開鬱蛇床子三錢寒水石二錢半白礬吳茱萸各二錢黃



柏大黃硫黃輕粉各一錢樟腦半錢  
檳榔一箇右爲末香油調付入門

### 一上散

治疥癬痛痒蛇床子炒黑狗脊即買衆白膠  
香寒水石各一兩枯白礬黃連各五錢雄黃

三錢半硫黃吳茱萸各三錢斑猫十四箇去翅足  
右爲末臘猪脂或香油調先以蒼耳煎湯洗去痂  
後掌中擦藥令熱鼻中嗅二三  
次卸擦瘡上一擦即愈丹心

### 剪艸散

治砂疥蛇床子三錢寒水石蕪荑各二錢剪  
刀艸桂白礬吳茱萸黃柏各一錢蒼朮厚朴

雄黃各五分輕粉一錢  
右爲末香油調付入門

### 硫黃餅

治蟲疥及喜湯火灸熨者礬製硫黃一兩爲  
末用水調成餅貼磁碗底覆轉用熟艾一兩

川椒三錢爲末火燃熏乾硫黃臨用先以藥  
湯水洗拭後用麻油調硫黃末擦之入門

### 三黃散

治膿疱疥瘡治熱爲主黃芩黃連大黃各三  
錢蛇床子寒水石各二錢白礬一錢黃丹五

分輕粉無名異白芷木香各  
二分右爲末香油調付入門

### 升麻和氣飲

治疥瘡痛痒乾葛二錢陳皮甘艸各一  
錢半升麻蒼朮桔梗各一錢赤芍藥七

分半大黃五分半夏當歸茯苓白芷各三分乾薑  
枳殼各二分右剉作一貼入薑五片燈心十五莖  
水煎服入門

### 一掃散

治一切瘡疥藜蘆皮三錢蚌粉鉛粉各一錢  
半雄黃七分輕粉一錢右爲末另用大鱗魚

一箇入香油煎候熟去  
魚攤冷調藥擦瘡得效

### 神異膏

治同上全蝎七箇皂角二錢巴豆去皮七箇  
蛇床子末三錢雄黃另研三錢輕粉一字清

油一兩黃蠟半兩右先用全蝎皂角巴豆入油煎  
變色去味入蠟融化放冷入雄黃蛇床輕粉和  
勻成膏先以藥水洗瘡拭乾  
後乃上藥擦之神效得效

### 如聖散

治肺癆風變生瘡疥浸展胡粉一兩黃連七錢半蛇床子五錢水銀二錢半右為末生麻油調塗

### 油調立效散

治溼疥浸淫久不瘳輕粉綠礬黃柏硫黃各等分右為末生麻油調洗瘡後塗

### 麻豆膏

通治諸癬麻油二兩入巴豆肉葶麻子肉各十四粒斑貓七粒熬煎至枯黑色去滓卻入白蠟五錢蘆薈末三錢攪勻成膏塗瘡之入門遍身生癬獨莖羊蹄根另搗日磬末以米醋調成膏塗瘡之加輕粉黃丹尤妙丹心

### 蝎猫膏

治牛皮癬全蝎斑貓各十枚巴豆肉二十枚香油一兩右同熬候色焦者先去之入肉細目乃入黃蠟一錢候熔收貯朝擦暮愈不損皮肉一方治遍身牛皮癬川烏州烏何首烏

白芷蘇木各等分右麤剉入臘猪脂同熬至白芷焦色去滓候冷入鹽少許常挑一匙空心酒調下得效

### 胡粉散

治癬神效胡粉硫黃雄黃各二錢半砒礪一錢二分半大艸烏生一箇斑貓一箇蝎梢七枚麝香少許右為末先以羊蹄根蘸醋擦動患處次用藥少許擦之得效

### 連粉散

治風癬溼瘡黃連胡粉黃柏黃丹枯白礬各五錢輕粉龍骨爐甘石各五分右為末乾糝或油調塗丹心

### 祕傳一擦光

治疥癬及諸般惡瘡神效白礬枯六錢椒木風子肉各一錢半輕粉樟腦各一錢右為末生猪脂調付正傳

### 當歸飲子

治遍身疥癬腫痒流膿當歸赤芍藥川芎生地黃防風荆芥白蒺藜各一錢二分何

首烏黃芪甘艸各七分右剉作一貼入薑三片水煎服入門

**何首烏散** 治遍身疥癬瘙癢何首烏防風甘艸各等分

右為末每取二錢溫酒調下丹心

**蕪荑散** 治疥無問新久亦治癬白蕪荑一兩檳榔吳茱萸各五錢硫黃二錢右為末猪脂或香油調擦之

調擦之

**浮萍散** 治諸疥癬及癩瘡浮萍四兩當歸川芎赤芍藥荆芥穗麻黃甘艸各二錢右剉分作二貼

入蔥白三莖豆豉六十筒同煎服出汗

**洗藥** 治疥癬瘙癢辛荊芥白芷川芎黃芩防風地骨皮甘艸各等分右麤末每取二兩水一大椀煎十餘沸乘溫淋灑患處名曰八仙散

○何首烏陳艾等分濃煎浸洗治遍身疥癬

○冬瓜藤煎湯浸洗亦佳

**單方** 凡十種

**硫黃** 生用治疥癬及惡瘡嗅其臭不止可愈疥瘡

**雄黃** 治疥癬殺蟲為末付之

**水銀滓** 研臘猪脂擦疥殺蟲立效

**藜蘆** 治疥癬作末生麻油調塗

**羊蹄根** 治疥癬爛搗和醋付之

**槿樹皮** 治頑癬加巴豆斑猫入少許為末水調付

**脂麻** 生取油付疥癬及惡瘡其妙

久皮鞋底

牛皮癬燒灰入輕粉少許油調付入明

田螺

煮熟取肉用酒醉炒熟食除一一生瘡疥回春

臘豬脂

生礬杏仁加輕粉少許搗擦治疥癬妙

鵝鴿

治久患瘡疥食之甚良本州

蛇床子

治遍身疥癬硫黃白礬各二錢水銀滓三錢右為末薑汁調擦立效

鍼灸法

治瘡疥頑癬取絕骨三里間使解谿委中或鍼或灸○手疥取勞宮灸大陵○渾身瘡疥取曲池合谷三里絕骨行間委中○治癬八月八日日出時念患人正當東向戶長跪舉兩手持戶兩邊取肩頭小垂際骨解宛宛中左右兩火俱下灸七壯七日愈○一女子兩股間淫癬下至膝痒痛流黃水百藥不效戴人以鍼當痒時刺百餘處血出盡煎鹽湯洗之四次方除蓋

癩頭瘡

頭上生瘡如癩防風通聖散

方見風門為末酒浸焙三次食後白湯調服日三次

淫淫於血不可不鍼也子和

洗一上散方見心上付之久久不愈者神效○頭瘡宜服酒歸飲外用雄黃水銀等分為末臘豬脂半生半熟調付之淫爛者燕窠土黃柏為末乾糝入門○白禿頭瘡宜神應膏○頭面瘡蜜陀僧硫黃各二錢輕粉少許右為末豬脂調付○丹心○又方臘月馬脂油塗擦極妙○丹心○又方松皮灰五錢黃丹白膠香各二錢半枯白礬大黃黃柏各一錢二分右為末熱油調付○丹心○小兒癩頭瘡松脂一兩懸龍尾黃丹各二錢白芷五錢松樹皮水銀煆黃白礬各二錢右為末另用香油入亂髮煎爛調勻付之○丹心○又方爛木耳為末蜜調付○又炭燒紅淬長流水令熱洗之○又胡荽子伏龍肝懸龍尾黃連白礬為末油調付連床散如聖黑膏亦佳○丹心○又兔絲子或蒺藜子煎湯洗

酒歸飲

治頭瘡酒當歸白朮各一錢半酒芍藥川芎陳皮各一錢酒天麻蒼朮蒼耳各七分半酒黃柏酒甘州各四分防風三分右剉作一貼水煎日三服服後穩睡片時入門

神應膏

治白禿頭瘡羊糞燒存性為末用雁油調塗一二次即愈醫鑑

連床散

治小兒癩頭瘡及身上諸瘡黃連五錢蛇床子五倍子各二錢半輕粉少許右為末荆芥湯洗後油調付丹心

如聖黑膏

治小兒白禿頭瘡豆豉半升州龍膽蕪荑各二錢半右燒存性為末香油半斤熬至四兩下藥調勻付之神效得效

人面瘡

多生膝上亦有臂上生者古書云寃業所生須清心悔過內服十六味流氣飲方見離瘡久者

大苦參丸腎氣丸方見虛勞

外用貝母為末付之

著痂而愈入門。人身有瘡如人面面目鼻皆具昔有二一人左膊上生瘡以物食之皆能食灌以酒則面亦赤色醫者教以歷試諸藥皆無苦至貝母其瘡乃聚眉閉口其人喜曰可治即取貝母末和水灌入口中數日成痂而愈本事

大苦參丸

治人面瘡及膝瘡苦參二兩防風荆芥白芷川烏生赤芍藥何首烏川芎獨活活梔子皂角蔓荊子赤茯苓山藥白茯苓羌活白附子各五錢州烏炮一錢半右為末水煮麪糊和丸梧子大每服五七十丸空心酒下不飲酒以茶代入門

陰蝕瘡

夫陰瘡大槩有三等一日溼陰瘡二日如精瘡三日陰蝕瘡亦曰下疳瘡也。溼陰瘡者由腎虛風溼邪氣乘之瘡痒成瘡浸淫汁出狀如疥癬。如精瘡者由壯年久曠房室思色動慾以致精流入莖內陰上生瘡赤腫潰爛作日痛痒妨悶。陰蝕瘡者由熱結下焦經絡澀滯或婦人子宮

有敗精停留或月水未斷與之交合房勞後又不  
洗浴邪穢留滯遂令陰莖連丸腫痛小便如淋  
經久潰爛侵蝕肌肉膿血不止遂成下疳瘡久不  
愈則必成楊梅瘡宜服仙遺糧湯方見上預防之  
寒熱尿澀宜入正散方見小便溼熱甚則腫痛尿  
澀莖中痒痛或出白津宜龍膽瀉肝湯方見前陰  
腫潰後八物湯方見虛勞加柴胡梔子知母久服  
人門 ○下疳瘡日久不愈或成便毒或損爛陽物  
多致危篤俗云疳瘡未已便毒復來生也醫鑑  
陰頭腫痛生瘡名爲下疳乃督任衝三脉之會其  
瘡一生則便毒厲風瘡次第而來先宜升麻葛根  
湯方見寒一門發出繼服涼血解毒丸即愈不必服  
輕粉毒藥醫鑑 ○妒精瘡初發在陰頭如粟拂之  
即痛甚出清膿作白孔蝕之痛婦人有生於玉  
門內正似疳蝕瘡但不痛爲異醫鑑 ○治法以大  
豆甘艸湯漬之洗毒散煎湯浴之磨風膏溫潤之  
精義 ○通用消疳敗毒  
散涼血解毒丸同春

### 涼血解毒丸

治下疳瘡苦參四兩黃連二兩連翹一兩  
白芷各一兩防風石膏各五錢右爲末荊芥煎  
湯打糊和丸梧子大空心溫水下百丸同春

### 消疳敗毒散

專治下疳瘡柴胡一錢半黃柏赤芍藥  
赤茯苓木通艸龍膽各九分連翹荊芥  
黃連蒼朮知母各七分防風獨活各六分甘  
艸三分右剉作一貼燈心一團水煎服同春

### 洗瘡藥

凡下部諸瘡常須藥湯淋洗以去膿汁惡水  
宜洗瘡湯大豆甘艸湯洗毒散洗下疳方諸

### 洗疳湯

治下疳瘡川練子黃連瓦松川椒蔥根艾  
葉右等分煎水以青布蘸洗立效醫鑑

### 大豆甘艸湯

治陰蝕下疳瘡甘艸一兩赤皮蔥二三莖  
黑豆一合槐條一握右濃煎取清候溫  
浸浴  
一夏精義

### 洗毒散

治陰蝕瘡及諸般惡瘡蛇床子地骨皮大薊  
麻黃荊芥防風枯白礬各三錢蔥白三莖煎

湯溫洗  
丹心

### 洗下疳瘡方

黃柏黃連當歸白芷獨活防風朴硝菴芥各三錢入銅錢五十文烏梅五箇鹽

一匙同煎取湯日洗三四次乃付糝藥入門

### 糝付藥

藥水淋洗後乃用糝付之藥宜柏蛤散津調散鳳衣散早螺散截疳散方見上珍珠散磨風膏

或糝或付諸方

### 柏蛤散

治下疳溼瘡黃柏以磁鋒刮取末蛤粉右末等分糝上即愈蓋黃柏去熱蛤粉燥溼也

### 津調散

治如精瘡黃連欵冬花等分右為末先以地骨皮蛇床子煎水洗拭乾乃津調付入門

### 鳳衣散

治下疳瘡鳳凰衣煨即雞抱卵殼黃丹各一錢輕粉片腦各少許右為末乾糝或鴨子清調付入門

### 早螺散

治同上白田螺殼煨入腦麝輕粉各少許右為末香油調搽入門○治如精瘡溪港中陳

久殼為妙得效

### 珍珠散

治下疳瘡黃連黃柏乳香沒藥孩兒茶輕粉鉛粉五倍子炒真珠象牙各等分為末以米

泔洗後糝上醫鑑

### 磨風膏

治陰蝕瘡蛇床子五錢大風子十四箇杏仁二十箇枯白礬樟腦各二錢川椒輕粉水銀

各三錢雄黃一錢半銀硃一錢右為末生麻油中和丸彈子入每用少許呵洋遍擦之入門

### 一方

治下疳瘡并玉莖蝕了盡用此藥也長出來如

不見星入寒水石三錢半輕粉二錢半鵬砂一錢右為極細末先以蔥艾柳煎水洗患處乾糝之亦

治舌被入咬斷有效如神回春

### 又方

治年少陽道與強嶺世不泄不強泄脹斷嫩皮初如鍼眼畏疼不敢泄刮日久連莖潰爛痛楚日甚用荊芥黃柏甘州生蔥地骨皮煎水洗去膿醫以訶子燒灰入麝香少許乾糝患處仍斷房事臨睡喫冷水勿令陽道興起

### 又方

莖頭三五孔小漏瘡出血微膿油髮灰津唾調付仍米飲調服一錢甚妙直指○外腎瘡瘡雞卵殼黃連輕粉為末香油調塗○妒精瘡陰蝕瘡油髮青黛麝香少許右為末或糝或津唾調付精義○陰莖上生瘡取月經布燒灰蜜調塗即愈入門○下疳瘡蝸牛焙乾枯日磬為末溼則乾糝或油調付回春

### 不治證

下疳瘡重者心中疔痛悶絕虛煩甚者不治入門

### 廉瘡

生於兩脚腫爛臭穢步履艱辛此瘡生於廉骨為重以其骨上肉少皮薄故難愈治法當先取蟲然

後外貼膏藥內服蠟礬丸方見蠟瘡類須翹足端坐勿多行履庶可全愈醫鑑○廉瘡生兩廉上

初起焮腫作痛三陰虛也宜八物湯方見虛勞若患處黑黯惡寒少食屬肝腎虛宜八味丸方見虛勞久不愈者大苦參丸方見上○入門○外廉瘡

先以蔥湯洗次貼龍骨膏或馬齒膏溼熱者窰土膏○內廉瘡先以鹽湯洗次貼蠟礬紙○內外通用爐灰膏方見雜方點去瘀肉後貼黃蠟膏入門

○廉瘡及脚膝生瘡局方虛損門黃芪丸方見虛勞服之即愈海藏○內外廉瘡宜粉麝散神捷膏

馬齒膏翠玉膏白膠香散貼藥三方鍼洗法取蟲法諸方

### 龍骨膏

治外廉瘡龍骨乳香沒藥蜜陀僧各二錢海

### 馬齒膏

治廉瘡馬齒草煎取汁一釜入黃臘五兩再熬成膏塗之入門

### 馬齒膏

綿紙兩重以鍼押亂孔香油調藥夾內縛貼瘡上隔日翻貼之入門

### 馬齒膏

治廉瘡馬齒草煎取汁一釜入黃臘五兩再熬成膏塗之入門



窰土膏

治外廉瘡久年窰窰土或窰心黃土黃柏赤  
石脂黃丹各五錢輕粉乳香沒藥各一錢右  
為末香油或成膏先以茶清洗後油紙攤藥貼之  
以巾縛定縱痒不可忍直待結痂去之未愈再貼  
入門 ○窰心土以燥溼清熱黃柏之辛以散  
火邪乳香沒藥以散瘀血可謂十全矣 丹心

蠟礬紙

治內廉瘡神效綿紙疊十二重看瘡大小剪  
成方片以紙燃釘住另用麻油二兩入川椒  
四十九粒慢火熬黑去渣入槐枝四十九寸煎枯  
黑去渣入黃蠟一兩枯礬一錢輕粉二分俟溶化  
即入前紙令油滲透勿令焦黃取起貼時先以藥  
水洗拭用紙齊香貼上以巾緊縛周時取下近瘡  
紙一重候紙取盡  
則瘡全愈入門

黃蠟膏

治內外廉瘡香油一兩入油髮如梅大熬消  
化入白膠香三錢黃蠟一兩溶化入龍骨赤  
石脂血竭末各三錢攪勻候冷盛磁器每用程作  
薄片貼瘡上絹帛縛定二日後翻過貼之入門

粉麝散

治外廉瘡臭爛數十年不愈生龜殼一箇醋  
一椀塗炙醋盡為度火煨放冷右為末入輕  
粉麝香各一錢和勻先  
以蔥湯洗後塗上得效

神捷膏

治內外廉瘡久年不愈清油半斤先煎入黃  
蠟一兩松脂五錢熬至成珠候冷入乳香沒  
藥輕粉血竭孩兒茶枯白礬龍骨煨各三錢川椒  
四錢右為末攪勻收貯先以藥水洗淨用油紙以  
鍼刺孔攤藥貼瘡上一日換二次二日後  
一日換一次每換藥必洗淨貼上 醫鑑

翠玉膏

治廉瘡瀝青四兩黃蠟銅綠各五錢沒藥三  
錢右將香油半斤同黃蠟瀝青於火上溶化  
次下銅綠沒藥末旋旋攪勻成稠將藥傾冷水  
中看瘡大小捻作餅子貼之以帛繫定三日一易  
目

白膠香散

治內外廉瘡白膠香赤石脂枯白礬各五  
錢黃丹乳香沒藥輕粉各二錢右為末乾  
糝或油調  
付入門

單方 凡六

黃蠟 一兩猪膽一箇輕粉二錢右熔化  
和勻攤油紙上貼之治廉瘡丹心

白膠香 治同上黃柏軟石膏各一兩青黛五錢  
龍骨一錢右為末香油調付丹心

羯羊尿 治同上燒存性五錢石膏二錢半赤石脂一錢  
二分右為末香油調付以巾包定除根丹心

鹿角灰 冷廉瘡油髮灰乳香  
為末清油調付得效

砂糖屑 廉瘡成日久不乾津調塗  
付日二次三日愈得效

紅絹 治同上蠶空蠶並燒灰胡粉各三分真珠煨一二  
分枯礬髮灰白麪各一分右為末黃蠟二兩熔

化調勻貼之  
神效同春

鍼法 廉瘡色紫黑先以三稜鍼刺去惡血冷水洗淨乃  
貼膏藥忌日光火氣陽氣如有黑腫未盡可再出

血以紫黑血  
盡為度綱目

熏洗方 治廉瘡臭爛先以海桐皮石榴皮煎湯洗後  
牛蒡子半兩研為末燒熏之無海桐皮則地

骨皮代之得效 ○槐枝蔥白川椒煎湯  
或茶清淋洗梔乾後乃貼膏藥得效

取蟲方 久廉瘡方取蟲生鱗魚數條以清油塗腹下  
置瘡上盤屈以帛繫定少頃覺痒不可忍然

後取視腹下有小竅皆蟲也悉盡再付卻用外人  
脚脛骨燒灰油調付得效 ○久廉瘡蠶魚腸以五

味火上炙貼蟲  
出即去之本州

腎臟風瘡 初起兩足時熱脚跟作痛多於內腔或廉上  
生瘡如癬漸大失治則延及脛股遍身者有

之 以腎氣丸方見虛勞為主治以四生散方見風  
門黃芪丸方見二虛勞外付白膠香散方見上四

生散末每取一二錢入猪腎內煨熟空心鹽湯嚼下  
尤效入門 ○血風瘡與腎臟風瘡相類乃三陰經

風熱鬱火血燥所致瘙痒不常膿水淋漓潮熱盜汗宜四物湯方見血門加浮萍黃芩或當歸拈痛湯方見足部外治磨風膏方見上大馬齒膏塗之入門○下疳瘡亦與腎藏風瘡相類生於脚脛或打撲而成其瘡口狹皮內極開皮薄如竹膜極痒痛黃水淋漓積年不愈又深易他人患者須忌房室取韭菜地地龍糞為末入輕粉清油調付或白犬血塗之又付檳榔散入門○腎藏風瘡服法血驅風散外用雞心散得效

### 大馬齒膏

治兩足血風瘡馬齒莧焙乾五錢黃丹黃柏枯礬孩兒茶各三錢輕粉一錢右為末桐油或麻油調勻攤油紙上先以藥水淋洗乾後乃貼之入門

### 檳榔散

治足上生瘡潰爛臭穢全蠍七箇斑猫十四箇巴豆肉十四粒檳榔一箇香油一兩半慢火煎先入蠟次入猫次入豆次入檳見豆黑色入蠟一兩候燂去滓只取蠟油入黃柏炙蛇床子

各二錢雄黃硫黃黃丹海螵蛸各一錢白膠香黃連杏仁輕粉各半錢右為末入蠟油中調勻藥水洗瘡付之立效得效

### 活血驅風散

治腎藏風瘡痒痛此由肝腎虛為風溼所侵也蒼朮炒杜仲薑汁炒肉桂天麻薏苡仁橘紅檳榔厚朴枳殼各六分當歸川芎白芷細辛白蒺藜炒桃仁白芍藥半夏五靈脂甘艸各五分右剉作一貼薑五片棗二枚同煎入乳香末少許空心服得效

### 雞心散

治腎藏風瘡疥雞心檳榔二箇破開以黃錢入輕粉青黛各半錢麝香少許右和勻磁器收貯每用少許清油調抹兩掌掩外腎女掩兩乳各睡至醒次日又用之經驗得效

### 單方

凡一

石榴根皮

脚肚上生瘡漸大爬搔不已痒不可忍煮取濃汁稍冷拂瘡上冷如冰雪即成痂

浸淫瘡

初生甚小先痒後痛汁出浸淫淫爛肌肉延至遍身用苦楝根燒存性為末猪脂調付溼則乾

糝先用苦參大腹皮煎湯洗之入門。浸淫瘡從口流向四肢者可治從四肢流來入口者不可治

仲景。小兒浸淫瘡宜用苦瓠散。綱目

苦瓠散

苦瓠二兩蛇蛻燒灰蜂房微炒各五錢梁上塵一合右為末油調攤帛貼之。綱目

單方

凡五種

胡麻

卒得浸淫瘡不早治周身則殺人生爛醫付之。本州

小薊

已下四種治皆同上。爛搗新水調付乾則易。本州

秫米

熬黃杆末。水調付之。本州

雞冠

熱血付之。本州

燕窠土

水和付之。本州

凍瘡

冬月凍傷成瘡流水俗呼為凍瘡宜用生附散白

蘇散如神散臘草膏。諸方。凍耳瘡爛其母末乾糝之。入門。足凍爛生瘡黃丹猪脂調付。得效。

足跟凍瘡潰破以蔥椒煎湯洗刮去腐肉。鍼刺出血。馬勃末調平骨髓付之。綱目。凍瘡雄雞雞腦

一枚人黃蠟等分清油減半熬膏塗之。入門。五倍子煎湯洗後取兔腦髓雀腦髓付之。本州

生附散

治凍瘡爛痛生附子為末。水調付之。綱目

白蘇散

治凍耳成瘡黃柏白蘇各五錢右為末鹽湯洗後油調付之。得效

如神散

治凍瘡皮爛不可忍。大黃細末。新水調塗瘡上。痛止。立效。綱目

臘享膏

治凍瘡、豬脂、綿油各二兩半、香油二合半、海  
松子油一合、松脂、黃蠟各三兩七錢半、右各  
煉去滓、和合成膏、先以  
藥水洗後塗之、俗方

湯火瘡

凡湯火燒傷、初時強忍痛、急向火炙、強忍一時  
即不痛、慎勿以冷物搨之、使熱毒不出、免爛入  
筋骨、用寒水石三兩半、黃柏、黃連、黃芩、梔子、大黃  
赤石脂各五錢、片腦少許、右為末、鴨子清調、付酒  
調亦可入門。湯火瘡宜赤石脂散、保生救苦散  
黃柏散、冰霜散、四黃散、諸方。火燒以好酒洗之  
以鹽付上。皮脫者酒熬牛皮膠付之。湯傷者  
以淋過第二灰滓付之。熱酒傷者糯米粉炒  
黑末酒調付之。丹心。湯火  
燒瘡、大黃當歸油調付、丹心

赤石脂散

治湯火傷瘡、赤石脂、寒水石、大黃  
各等分、右為末、新水調塗之、丹心

保生救苦散

治湯火熱油所傷、爛痛、寒水石、大黃、黃  
柏各等分、右為末、生麻油調塗、或乾糝

東垣

黃柏散

治同上、雞子殼、黃柏、朴硝、大黃、寒水  
石各等分、右為末、新水調塗之、得效

冰霜散

治湯火熱油所傷、皮爛肉痛、寒水石、朴硝、青  
黛、牡蠣、煨各五錢、輕粉半錢、右為末、新水或  
油調塗之、丹心

四黃散

治同上、大黃、黃芩、黃連、黃柏、白芨  
各等分、右為末、新水調塗之、丹心

單方 凡八

黃蜀葵花

湯火瘡、為末、油調付、妙效、或  
滴水研爛、付亦佳、正傳

桑葉

已下至生、自蒸、治皆同、上取經  
霜者、焙為末、香油調付、正傳

側柏葉

搗爛、如泥、冷水調塗、以  
帛繫、定一二三日愈、本州

生梨

切片貼之，不爛止痛。本州。

生胡麻

爛搗如泥，付之。本州。

生白礬

為末，香油調塗。醫鑑。

白蜜

湯火傷及熱油傷塗之，竹中白膜貼之，日二三，痛立止。即愈。本州。

醋泥

治同上，付之，無痕。豆醬汁付之，妙。本州。

翻花瘡

翻出一肉突，如菌或如蛇形，長數寸，雄黃為末，付之，內服十全大補湯，或八物湯。二方並見。虛勞。

候元氣漸復，腫毒將盡時塗之，則努肉自入。否則雖入復出，若誤用鐵刀蝕灸，必危。慎之。入門。○中。

品錠子專治翻花瘡，入門。○一名綿花瘡，一名廣東瘡，川芎、天花粉各五錢，輕粉二錢，半朱砂、雄黃各一錢，二二分半，麝香五分，右為末，蒸餅和，丸，某豆。

大每服七丸，至九丸，溫酒下。正傳。

中品錠子

專治翻花瘡及癭瘤，白礬三兩，八錢，半乳香，沒藥各五錢，半朱砂三錢，牛黃七分，半。

礬砂五分，熟五分，生硫磺一兩，半火煨，黑烟止，用淡青烟，右為末，麪糊和，勻，捻作錠子，量瘡挿入。入門。

單方

凡一二種

馬齒莧

治翻花瘡，燒灰，猪脂調，付之。本州。

柳枝葉

治同上，濃煎，作膏塗之。本州。

漆瘡

人有惡漆者，因見漆中毒，生瘡，面癢而腫，遍身癩痛，生蟹取黃塗之，得效。○石蟹取汁，頻塗之。本州。

○臘茶末，油調，付柳枝葉煎湯洗，入門。○苳硝湯，浸冷洗之。千金。○鐵漿頻洗，即差。本州。○井中苔，搗付之。本州。○川椒煎湯洗之，即愈。本州。○生薑真汁，付之，亦可。丹心。○雞子黃塗之。本州。○韭葉。

研付之本州。紫蘇。葉麩爛擦之綱目。

### 軟瘡

瘰癧小瘡也。世謂之熱瘡。大如酸棗。或如豆。色赤。而內有膿血也。綱目。○宜用猪頭散。三物散。大黃膏。○雞抱卵殼。燒灰。入輕粉。少許。油調付之。得效。○大枳殼一枚。去瓤。磨令細。平以調麪糊。塗四層。覆貼瘡上。自破膿出。其妙。得效。

### 猪頭散

治軟瘡愈而復作。野蜂房一二箇。燒為末。另用巴豆肉三七粒。清油煎。二沸。去巴豆。取油調。蜂房末付之。立效。○又枯白礬末。油調。付之。亦效。此方療病有效。人以猪頭為謝。故名之。得效。

### 三物散

治鬢邊生軟瘡。名發鬢。有數年不愈。用此極妙。猪頭上毛。猫頭上毛。各燒存性。各一撮。鼠屎一枚。右為末。加輕粉。少許。清油調。付之。得效。

### 大黃膏

治軟瘡。大黃黃柏當歸各等分。右為末。以生地黄黃汁調塗之。俗方。

### 有名無名諸惡瘡

蒲萄瘡。天行斑瘡。月蝕瘡。內疔瘡。癩瘡。走皮癩瘡。白蛇纏瘡。魚目瘡。熱毒瘡。火斑瘡。此皆有名瘡也。○此外皆無名諸惡瘡也。○又有洗瘡法。殺蟲法。生肌法。諸瘡中風水作痛法。

### 蒲萄瘡

瘡頭如蒲萄色。四圍腫起。先追膿。盡次用冰梅。菴之。神愈。綱目。

### 天行斑瘡

人身發天行斑瘡。一身周匝。如火瘡。皆戴白漿。不治。則數日必死。後瘡癩。歸一歲方滅。此惡毒之氣。所為。取好蜜。煎升麻數。數洗。拭塗之。本州。○又煮葵菜葉。以蒜薑。吹之。數日即止。綱目。

### 月蝕瘡

小兒多有之。生耳後。隨月盛衰。胡粉炒。黃。枯。白礬。黃丹。黃連。輕粉。各二錢。乾胭脂一錢。麝香少許。右為末。香油調塗。入門。○又黃連。枯礬。末付之。妙。本州。

內疳瘡

生於口上腭初發如蓮花根蒂小而下垂乃大治法以鈎刀決其根燒鐵烙以止其血天以雄黃輕粉粉霜日芷白薇為末付之槐枝作枕支其牙頰間母使口合一兩時許瘡癩定合日自便次日日出膿生肌散付之入門

癩瘡

生手足間相對如新菜黃痒痛拆裂有孔如蠅久不愈杏仁乳香各三錢硫磺輕粉各一錢半右為末麻油三錢入黃蠟五錢燂化入前藥末攪煎成膏塗之入門

走皮癩瘡

生滿頰項發如豆梅蔓延兩耳流汗溼爛握白芷黃連各少許煎湯洗之候血盡天用皂莢竹笋皮燒存性黃柏白芷藍葉等分為末清油調塗神效入門。手癩瘡皂角枯礬輕粉黃柏黃連為末敷之入門。小兒胎癩頭生紅餅瘡先以艾葉白芷大腹皮蔥白煎湯洗後生藍葉生艾葉入蜜搗付入門

蛇纏瘡

身上生瘡有頭尾儼似蛇形初起宜隔蒜於頭上灸之雄黃為末醋調付之又酒調服之入門。遍身生瘡狀如蛇頭取蠟礬丸方見癩疽每服百丸大有神效入門

魚目瘡

遍身生瘡如魚目無膿又名征虜瘡升麻剉水濃煎入蜜一二匙鵝翎蘸拭洗瘡得效

熱毒瘡

遍身生熱毒瘡痛而不痒粘著衣被夜不得睡草蒲作末厚布席上悉臥其間不五七日其瘡如失應手神驗本州。方用紫州膏葵花散諸方

火斑瘡

人常近火則多生火斑瘡出汁痛痒黃柏薄荷葉為末糝之即安或煎湯洗亦佳得效

諸般惡瘡

諸般遍身瘡及惡瘡出膿血痛痒宜涼血飲又平血飲合人參敗毒散方見寒門連翹飲疎風解毒散合掌散松脂貼散二黃膏貝母膏金華散爐灰膏青金錠子一掃光生肌散黃蠟膏洗藥方殺蟲方生肌方諸瘡中風水方單方諸方



紫艸膏

治熱毒瘡紫艸茸黃柏黃連漏蘆各五錢赤小豆末菜豆粉各一合右為末猪脂或清油調日二三敷直指

葵花散

治一切熱瘡鬱金黃連黃柏梔子葵花各等分右為末冷水調膏貼之神效得效

涼血飲

治血熱生瘡赤芍藥黃芩川芎荊芥生苧麥門冬天花粉甘艸各一錢右剉作二貼入燈心十莖竹葉十片煎服得效

平血飲

治諸瘡遍身出膿血痛痒即升麻葛根湯方見寒門加天麻蟬殼也右剉與入參敗毒散合和加生薑薄荷生地黃麥門冬煎服得效

連翹飲

治惡瘡遍身痛痒及血風瘡連翹赤芍藥當歸荊芥防風惡實川芎梔子黃芩瞿麥木通生乾地黃瓜蒌根麥門冬甘艸各七分右剉作一貼入燈心一塊水煎服得效

疎風解毒散

治遍身瘡痒痛白芷細辛蒺藜子炒麻黃檳榔當歸鬚生乾地黃川芎赤芍藥獨活白牽牛微炒桑白皮炒蒼朮炒枳殼甘艸各七分右剉作一貼入黑豆七十粒紫蘇五葉生薑五片同煎服直指

合掌散

治遍身生瘡百藥不效檳榔五箇為末硫黃生研五錢輕粉半錢右為末每二錢安手掌內油調夜臥時塗外腎不得洗手但擦手掌令乾一二日即愈得效

松脂貼散

治一切惡瘡及無名瘡黃柏黃連松脂明者膩粉土蜂窠以泥做以者甘艸各一錢右為末另取水銀一錢放在掌上以唾擦為泥人磁器中研藥末及清油令如稀錫先以藥水洗瘡拭乾塗之即愈治疥尤妙得效

二黃膏

治一切惡瘡清油三兩煎色豆肉二十粒微黑色去豆入黃蠟一兩熔化又入硫黃雄黃

末各一錢和勻成膏以藥水洗之  
瘡後擦付二三神效得效

**貝母膏** 治諸惡瘡貝母三錢半半夏生用南星生用  
五倍子白芷黃柏苦參各二錢半黃丹一錢

半雄黃一錢右為末  
水調付或乾糝直指

**金華散** 治一切溼熱惡瘡亦療小兒黃丹一兩黃柏  
黃連各五錢輕粉一錢右為末藥水洗後糝

之貼之  
丹心

**爐灰膏** 治一切惡瘡除去疥  
肉最妙方見雜方

**青金錠子** 治諸惡瘡膿出不快及多年疔癭瘡白丁  
香銅綠礪砂粉霜輕粉各五分麝香龍腦

各一字右為末麪糊和燃作錠子  
雜入瘡口中或糝付亦可精義

**一掃光** 治小兒頭瘡及多虱子瘙痒成瘡膿水不止  
細茶水銀各一錢同研細牙皂川椒各二錢

右為末油調  
擦上三四回春

**生肌散** 治一切瘡斂口大效寒水石煨滑石各一兩  
烏賊骨龍骨各五錢蜜陀僧枯白礬乾胭脂

定粉各二錢半右為  
末乾糝瘡中妙精義

**黃蠟膏** 治諸瘡能生肌香油黃蠟松脂各等分  
右熔化待凝貼之加油髮灰尤妙俗方

**洗藥方** 治諸般惡瘡黃柏茵陳荊芥蔥白藿香煎水  
淋洗為妙得效○洗諸般惡瘡毒艾葉細茶

蔥白桃枝柳枝川椒濃  
煎湯入鹽煩洗同春

**殺蟲方** 治惡瘡有蟲膽礬輕粉乳香各一錢礪砂雄  
黃土蜂房各二錢龍骨虎骨白礬露蜂房各

二錢半麝香五分片腦一字右為末藥水洗後付  
之神效海藏○諸瘡殺蟲檳榔五錢黃連二錢半  
穿山中五片燒灰麝香一字右為末茶清調  
塗得效○諸惡瘡有蟲須用斑猫藜蘆入門

生肌方

凡治惡瘡令生肌宜用生肌散翠霞散黃蠟膏三方見上。凡看瘡內肉黑色勿上生肌散宜用消蝕之藥直待黑肉去盡方可上生肌散入門。如開瘡口用生肌散去外肉用煨砒生好肉去砒加枯白礬入門。

諸瘡中風水發腫痛

凡瘡瘍未合風入為破傷風溼入為破傷溼二者害人最急宜慎之。因諸瘡入皂角水及惡水熱痛不止皂角子燒存性研二錢半砂糖末五錢和勻如膏貼瘡上本州。諸瘡中風水疼腫鯉魚目燒灰研付汁出即愈諸魚目並得本州。又方川椒一升和麩作餅灰火煨熟斷開口封合瘡上冷則易出水即差本州。又方桑柴灰淋汁漬之冷復易本州。又方蔥白連鬚煮湯洗之或連莖葉煨研罨付本州。又方薤白搗爛火炙令熱付瘡上以帛裹定冷則易出本州。冰即差本州。

單方

凡十種

生胡麻油

治惡瘡及諸瘡塗之妙生麻油亦可本州。

馬齒莧

治同上爛擣付上便愈本州。一婦人臍下百治不差有人教先以溫水洗拭取馬齒莧四兩青黛一兩同研勻付瘡上乾則易新者仍服八正散方見小一便二下十日全愈本州。

熊膽汁

治同上塗之妙犬膽亦可本州。

蟾蜍

燒灰油調付諸惡瘡甚妙本州。

蛇蛻皮

久遠惡瘡不差燒灰猪脂調付本州。

朝生暮落花

一名鬼蓋即朝生菌也。生糞穢處如菌作未和油塗惡瘡甚佳牛糞上黑菌尤佳本州。

蜣螂

一切惡瘡取十枚端午日收乾作末油調付本州

臘猪脂

療惡瘡和雄黃輕粉付之正傳

鼯鼠膏

主惡瘡塗之本州

芭蕉葉

治同上取經霜者為末香油調付丹心

石灰

淋取汁溫洗惡瘡本州

雄黃

治惡瘡為第一本州

硫黃

功效同上本州

貝母

諸惡瘡末入雄黃少許糝之本州

訂正東醫寶鑑雜病篇卷之八

